

## ILEQQUUSUMIK KOMMUNALBESTYRELSEP ATAATSIMIINNERA 27. FEBRUAR 2009 NAL.09.00

<b>Peqataasut:</b>	Jess Svane, Formand, (S) Palle Jeremiassen, (S) Jens Danielsenn, (S) Bernhardt Olsen, (S) Lars Erik Gabrielsen, (S) Apollo Mathiassen, pisinnaang. (S) Timotæus Petersen, (S) Karl Kristian Kruse, (S) Otto Jeremiaasen, (S)	Anthon Frederiksen, (K) Abel Karlsen, (K) Timooq Mølgaard, (A) Kristian Jeremiassen, (A) Knud Kristiansen, (A) Karl Markussen, (A) Ane Lone Bagger, (D) Ane Hansen, (IA) Bendt Kristiansen, (IA) Hans Aronsen, (IA) Isak Hammond, 09-1006-miit.(IA) Edvard Kristiansen, (IA)
--------------------	--	---

**Imaqarniliortoq:** Sigvard Hvidsteen  
**Aggersakkat:** Qullersaqarfik  
**Oqalutsit:** Johanne H. Nielsen / Jakob Fly  
**Ingerlanneqarnera:** Ilulissani najuulluni ataatsimiinnertut.

KOM	QULEQUTAQ	Tapil.
	Ilisimatitsissutit	
09-1001	2008 Ukiumoortumik naatsorsuutaagallartut inernerit.	001
09-1002	Aningaasaqarnej pillugu nalunaarusiorneq, 2009.	002
09-1003	Qaasuitsup Kommunian akuersissutinik tunniussisarnissamut periutsit siunnersuut.	003
09-1004	Siunnersuisooqatigiinnut, ataatsimiittitalianut sumiiffinnilu ataatsimiittit. toqqaaneq.	Soqan
09-1005	Sulinngiffeqarnerup taamaatinnerani qinnuteqaat, kommunalbestyrelsemut iseqqinneq	Soqan
09-1006	Karsimut naatsorsueriaatsimullu maleruaqqusap akuerineqarnera, tapiliussat akuerineqarnissaannut pisinnaatitsissut.	004
09-1007	Ilaasortat oqarasuaateqartitaanerit internet-teqartitaanerallu.	Soqan
09-1008	Qaasuitsup Kommunian bussinik ingerlatsinermit maleruaqqusap akuerineqarnera.	006
09-1009	Nunaqarfinni aqutsisunut pisinnaatitsineq, allaffiit nunaqarfinni ammasarfii.	Soqan
09-1010	Illoqarfittut ikinngutigisat suleqatigiinnarnissaannik inassuteqaat.	007
09-1011	Qaasuitsup Kommuniata ilinsarnaataanut atuisinnaanermut toqqammavissat.	Soqan
09-1012	Imigassaarniarsinnaanermut qinnuteqaat, Butik Nivi, Ilulissat.	008
09-1013	Imigassaarniarsinnaanermut qinnuteqaat, Butik Jope, Ilulissat.	009
09-1014	Imigassaarniarsinnaanermut qinnuteqaat, Niisi Cafe, Ummannaq.	010
09-1015	Qaanaaq komite-mut ilaasortassani toqqaaneq.	011
09-1016	Thulefonden-ip ileqqoreqqusaasa akuerineqarneri, siulersuisussani toqqaaneq.	012
09-1017	Qinersinermit ataatsimiittitaliap ilaasortaanik toqqaaneq.	Soqan
09-1018	Takkuttannginnermi ajunngitsorsiani utertitsisarnissaq	Soqan
09-1019	Aaqjissuussaaneermut pilersaarusiat nutaap akuersissutigineqarnera.	013
09-1020	Aasianni kulturip illorsuassaa	014
09-1021	Kommunalbestyrelsemi sulinnngiffeqarallarnissamik qinnuteqaat, Palle Jeremiassen	015
	Kommunalbestyrelsip ilaasortaanit apeqquteqaatit.	Soqan

### Aalajangiussaq:

**Akuerineqarpoq ilassutigalugit 09-191, aaqjissuussaaneq nutaq, 09-1020, Aasianni kulturip illuaamma 09-1021, sulinnngiffeqarnissamik qinnuteqaat. 09-1014 taamaatinneqarpoq, suliap suliarinissaanut atortussat naammangillat.**

**Ilisimatitsissutit:****Kommunalbestyrelsimi ilaasortat siunnersuutaat taakkualu suliarinissaat.**

Kingullermik kommunalbestyrelsip ataatsimiinnerata kingornatigut siunnersuutit makkua politikikkut aularineqartussat tigusimavagut. Taakkunani takuneqarsinnaavoq ataatsimiitit sorliit imaluunniit susasaqartut sorliit suliaasat maanga anngutsinnagit msuliarisimaneraat kiisalu tamatuma kingornatigut suliaasat Aningaasaqarnermi ataatsimiititamat imaluunniit kommunalbestyrelsemut ingerlateqqinneqas-sanersut.

**1. Innuttaasut paasissutissinneqartarnissaannik siunnersuut, KP.**

Anthon Frederiksen aamma Abel Karlsen kommunit nutaat atuutinneqalernerannut atatillugu innuttaasut paasissutissinneqarneratapitsaanerulersinneqarnissaa pillugu siunnersuuteqarput. Ataatsimiititani siulittaasut taamatullu aqutsisoqatigiit/illoqarfikkaartunilu pisortat ilisimatinneqarput maannakkorpiaq paasissutissiisarnermi pisortassap inuttassarsiornera saqqummiunneqartoq. Taamattumillu naatsorsuutigisariaqarpoq paasissutissiisarnermi pisortap saniatigut tassani suliaqartussamik allamik atorfinitsitsisoqarumaartoq. Aqutsisoqatigiit kiisalu illoqarfikkaartumik pisortat paasissutissanik pisariaqartinneqartunik ingerlatsinerup qulakkeernissaa akisussaaffigissavaat. Tamannalu qarasaasiami nittartagartaakkut maanna ineriartortinneqartukkut, kiisalu innuttasunik toqqaannartumik attaveqarnikkut ingerlanneqassaaq (allagarsiinikkut, radiokkut allatigullu) tamatumani illoqarfiit ilaasortaataat toqqaannartumik akuutinneqassapput. Taamaattumillu tamatuma tungaatigut manna tikillugu suliareersut saniatigut nukinngiussamik aaqqiissuteqarnissamik suliaqartoqassanngilaq.

**2. Meeqqat kaattut pillugit suliaqarnissamik siunnersuut, KP.**

Anthon Frederiksen aam Abel Karlsen siunnersuuteqarput, meeqqat kaattut pillugit imaluunniit angerlarsimaffimmini naammattumik nerisaqartinneqanngitsut pillugit kommuni immikkut ittumik suliniuteqassasoq. Ikiunneq inunnik isumaginnittoqarfik imaluunniit atuarfeqarfik aqutigalugu ingerlanneqarsinnaavoq. Siusinnerusukkut D-p Qasuitsup Kommuniani atuartut nerisaqartinneqarnissaat pillugu aaqqiinissaq siunnersuutiginiikuvaat. Siunnersuutigineqarpoq, siunnersuut apeqqut taanna pillugu Ilulissani ataatsimeersuartitsinissamat pilersaarutigineqartumut utaqqisikkallarneqassasoq, taannalu ataatsimeersuarneq kommunalbestyrelsip ataatsimiinnerata nalaani ingerlanneqartussaavoq. Tamatuma kingorna suliniutit aalajangersimasut ataatsimiititani attuumasuteqartuni marluusuni suliarineqartussaapput. Suliniutit aningaasaliissutinik pisariaqartitsissusaapput imaluunniit piginnaasanik allannortitsinissamik kinguneqartussaapput, taamaattumillu kommunalbestyrelsemi aalajangigassatut saqqummiunneqassapput.

**3. Aalisarnermi atortunik annaasanik saliinissamik siunnersuut, KP.**

Anthon Frederiksen aamma Abel Karlsen siunnersuuteqarput aalisartut piniutaanik annaasanik saliinissamik kommune suliniuteqassasoq. 2009-mut aningaasatigut pilersaarutini siusinnerusukkut kommuniusimasut tamatumuuna suliniuteqarnerfnut aningaasartuutigisartagaasa annertoqataanik immikkoortotsisoqareerpoq, taamaattumillu aningaasaliissutigineqarsimasut taamatut suliaqarnermi aningaasartuutitsanik matusisinnagalarput. Suliniarnermik annertusitsiniaraanni aamma anner-tunerusumik aningaasartuuteqarnissaq naatsorsuutigisariaqarmat tullianik aningaasatigut pilersaarutit nalilersoqqinnissaannut taakkua ilanngunneqartariaqarput. Taakkua saniatigut inuutissarsiornerit allat assigalugit aalisartut sinneruttunik saliinissamat pisussaaffilerneqartariaqarpoq. Tamanna aalisartut aalisarnermikkut piloersitaat akileraartartut akiligaannik aningaasalersortariaqanngilaq, pissusermi piumasaqaallu taamaattoq inuutissarsiornermi allani atorneqareerpoq.

**4. Aalisarnermi Piniarnermilu allagartanik ingerlatsinerup immikkoortumi namminer-mi ingerlanneqalernissaanik siunnersuut, KP.**

Anthon Frederiksen aamma Abel Karlsen siunnersuuteqarput siunissami aalisarnermut piniarnermullu akuersissutit ingerlanneqarneri kommunimit tiguneqassasut. Siunnersuut tamanna nuna tamakkerlugu suliaasanik kommuninut nuussuinissamat atatillugu isumaqatigiinniarnissamat ilaatinneqartussaavoq, naatsorsuutigineqarporlu tamanna 2010-mi ima-luunniit 2011-imi atuutilissa-soq.

5. Ukiunut qulinut pilersaarusiortalernissamik siunnersuut, Hans Aronsen.

Kommunip ukiunut qulinut pilersaarusiortalernissaa siunnersuutigineqarpoq, tassani sa- naartugassatigut kiisalu aningaasatigut pilersaarusiorneq pineqarput, taakkualu ukiup tulianut pilersaarusiornernut naapertuutissapput. Siunnersuulli manna kommunip pilersaa-rusiornernut pilersinneqartussamut ilaatinneqarnissaanut innersuunneqassaaq, taannami kommunip sanaartugaasigut ineriartorneranut nassuiaataannartut pilersinneqassanngilaq, kisiannili kommunip ingerlatsivittut pilersaarutaatut sukumiisutut sananeqassaaq, tassani sanaartukkatigut inissisimanera ilaatinneqassaaq, aammalu kommunip suliniuteqarnikkut tamakkiisukkat politikikkut anguniagassatut aalajangai ilaatinneqasspput. Tamannami soorunalimi siunissami ukiunut tulliuuttunut pilersaarusiornertigut ukiunullu aggersunut missingersersuinertigut piviusunngortinneqassapput.

6. Atuarfinni pitsaaneruserumik atuartitsisalernissamik siunnersuut, Hans Aronsen.

Siunnersuutigineqarpoq inoqarfiusuni tamani naammattumik pitsaassusilimmik assingiimmillu atuartitsinikkut assigiimmik periarfissaqalernissaaq, taamaaliornikkummi atuartitsinillut ilikkagassatigut assigiimmik pitsaasuseqalernissaaq anguneqarsinnaammat. Siunnersuut taanna atuartitsinerup tungaatigut tulluarsaanissamik atuarfeqarfiup siunnersuuteqarnerani ilaatinneqareerpoq, tamannalu august 2009-mi aallartinneqassasoq siunniunneqareerpoq. Suliniutit siulliit aallartinnereerput tassa Qaasuitsup Kommuniani ilinniartitsisutut atorfiit inuttassarsiornerisigut, tamannalu februar aamma marts-imi sunniuteqaleriissaaq. Naatsorsuutigineqarpoq ukiumi tullermi ilinniartisisunik atornitsisiornerit tamakkiisut kingunerissagaat ukiumi tullermi atuarfiusup aallartinnerani ilnitsitsisut ilniarsimasut amerlanerulissasut.

7. Avannaani ilaqutariinnut højskolimik pilersitsinissamik siunnersuut, Karl Kristian Kruse.

Siunnersuuteqartup siunnersuutigaa sumiginnaasarnernut akiuniarnermi suliniuteqarnermut atattillugu suliniutissanik aralaqartunik pilersitsisoqassasoq. Paasissutissat sukumiernerusut bilagitut ilaatinneqarput. Siunnersuut Inunnik Isumaginninnermut Tunngasutigut Ataatsimiititaaq aqququtagalugu saqqummiunneqarpoq kiisalu taamaattumik pilersitsisoqas-sappat sanaartornikkut ingerlatsinik-kullu naatsorsuutit 2010-mi aningaasatigut pilersaa-rusiassanut ilanngunneqassapput. Maluginiarneqassaaq kommunit ataasiakkaat ilaqutariinnut centerinik pilersitsinissamut aningaasartuutissat Aningaasatigut Inatsisissamut ilannguneqarnissaat Namminersornerullutik Oqartussanut qinnutige-reermatigut, suliniutinullu ataasiakkaanut angingaasartuutissat 2009-mi aningaasaliissutigineqareer-put.

8. Psykologinik angalasunik pilersitsinissaaq, Knud Kristiansen.

Siunnersuutip aqqissussaanermut pilersaarut nutaaq assigilluinnarpaa, tassanimi Qaasuitsup Kommuniani psykologinik ingerlatsineq tamakkiisoq siunnersuutigineqarpoq. Aammattaaq naatsorsuutigineqarpoq PPR 1. januar 2010 ilaatinneqalissasoq, taassumalu kingunerisaanik kommunip tamatuma tungaatigut silinneruserumik annertuneruserumillu suliniuteqarnissaata sukumiinerulersaanut periarfissarinnerulissasoq. Maannakkorpiaq allaffeqarfiup psykologit ullumikkorniit kajungerner-nerusunik tunngavilimmik atorfinitsinneqartalernissaannut qulakkerinissamut periusissaaq misissor-paa.

(Ekstreme konsulenter).

9. Aalisakkanik tunitsiviit matoorarnerat pillutigalugu suliniuteqarnissamik siunnersuut, KP.

Anthon Frederiksen aamma Abel Karlsen siunnersuuteqarput kommuni ikaasaariarnerup nalaani aalisakkanik tunitsiviit tunisassiorfiillu matoorarneqartut RG-mit AFG-imiillu tiguneqarnissaanni kommuni aningaasatigut peqataatinneqarssasoq. Tamatumunnga tunngavilersuutigineqarpoq sulifissaqartitsinissaaq, taakkualu kingunerisaannik akileraarutitigut isertitaqarnissaaq. Siunnersuut Ineriartornermut Inuutissarsiornermillu Ataatsimiititamut suliassanngorlugu ingerlatinneqarpoq, kisiannili maluginiarneqassaaq kommuni kommunit inuutissarsiornermut akuunermut tunngatillugu inatsit tunngavigalugu taakkuninnga toqqaannartumik tigusinissamut kiisalu taakkuninnga aningaasatigut tapiinissamut periarfissaqanngilaq. Akerlianillu kommuni inuutissarsiornikkut ineriartortitsivik nutaaq aqququtagalugu suliniuteqartunut aalajangersimasut siunersuisinnaavoq, taavalu namminersorlutik inuutissarsiorlut, pisortat ingerlatsioviutaasa illutaannik tigusiniarnerinut atattillugu aningaasaliisarfinnut periarfissanik innersuussisinnaavoq. Royal Greenlandip kiisalu Naalak-

kersuisut akornanni apeqqut taanna pillugu ataatsimeeqatigiinneranni imaqarniliaq ilanngunneqarpoq.

10. Avannani efterskoleqalernissamik siunnersuut, Knud Kristiansen.

Kaslaallit Nunaata Avannaani efterskolemik pilersitsinissamik siunnersuuteqartoqarpoq. Siunnersuuterqartumut Qasigiannuani efterskolimik pilersitsiniarluni suliaqarneq innersuutigineqarssaaq. Taannali ingerlaloreerpat siunissami pisariaqartitsineq qanoq ittuunersoq eqqartorneqarumaarpoq.

11. Avannaani aalisarnikkut ineriartortitsinerimi allaffimmik pilersitsinissamik siunnersuut, Knud Kristiansen.

Kalaallit-nunaata Avannaani aalisarnikkut ineroartortitsinerimut allaffeqarfimmik siunnersuuteqartoqarpoq. Siunnersuut Ineriartortitsinerimut Inuutissarsiornermillu Ataatsimiitiami suliarineqarpoq. Naatsorsuutigisariaqarpoq inuutissarsiornikkut ineriartortitsinerimi ingerlatsivik suliami matumani uummarissamik suleqataajumaartoq.

12. Avannaani immakut angallannerup aaqqissuunnissaanik siunnersuut, Knud Kristiansen.

Siunnersuuteqartup kissaatigaa kommunemi immakut angallannerit aaqqissuunnerini ammalu qanoq akulikitsigisumik ingerlasarnerini toqqaannartumik suniuteqalissasoq. Ukiuni kingullerni Naalackersuisunik ataatsimeeqateqartarnerni neriorsuutigineqartarsimavoq kommunit imakut silaannakkullu angallassinikkut sullissinissamut isumaqatigiissutinik pilersitsinernut, tassa angallannerit aaqqissunneqarnissaat ilaatillugu toqqaannartumik suniuteqartinneqartalissasut. Apeqqut taanna borgmesterit sisamaasut januarimi Naalackersuisunik ataatsimeeqateqarneranni eqqartorneqarpoq.

13. Upernavimmi erhvervsfondimik pilersitsisoqarnissaa pillugu siunnersuut, Godmann Jensen, Nunaqarfimmi aqutsisumut ilaasortaq.

Siunnersuuteqartup kissaatigaa Upernavimmi inuutissarsiornikkut siuarsaanissaq siunertaralugu aningaasatigut pilersaarutini kr. 500.000-inik ilanngussisoqassasoq. Siunnersuut I-riartortitsinerimut Inuutissarsiornermilu Ataatsimiitiami eqqartorneqassaaq aningaasatigullu pilersaarutitigut ilanngussinissamik innersuuteqarnissaaq naatsorsuutigineqarsinnaavoq. Ataatsimut isigalugu inuutissarsiutitigut siunnersuutit inuutissarsiornermi ineriartortitsinerimik ingerlatsivimmi maanna suliarineqartalerput.

14. Inuutissarsiornermik aalisarnermillu ineriartortitsinissamik siunnersuut, Hans Aronsen. Qaleraliuttassat ikilisinneqarnerat pissutigalugu siunnersuuteqartup kissaatigaa aalisakkat allat atorluarneqarnerunissaat siunertaralugu suliniutinik aallartitsisoqassasoq. Siunnersuut ineriartortitsinerimut allaffimmik pilersitsinissamik siunnersuummut ilaatinneqassaaq kiisalu taakkua ataatsimoortillugit suliarineqarumaarput.

15. Naalackersuisunik isumaqatigiinniartalernissamik siunnersuut, Edvard Kristiansen. Siunnersuuteqartu kissatigaa sapinngisamik piaartumik qaleralittassat ikisinneqarnerat Naalackersuisunut oqaloqatigiissutigineqarsasoq. Taamatullu aalisakkanik tunitsiviit tuni-Sassiorfiillu matoorarneqarnerat Royal Greenland A/S-imut ataatsimiissutigineqassasoq. Kiisalu siunersuut siunnersuutitut assigissaanut ilanngillugu ataatsimoortillugit suliarineqassasut, tassa oqaluuserisassami uvani.

16. Nunaqarfiit aqunneqalernissaanik siunnersuut, Godmann Jensen, nunaqarfinni aqutsisunut ilaasortaq.

Kangersuatsiaami Nunaqarfimmi Aqutsiusut Upernaviup nunaqarfiini ingerlatsinerit ingerlarniarlugit neqerooruteqarput. Siunnersuut Aasianni callcenterimut nassiuunneqarpoq, taassuma suliap ingerlateqqinnissaa suliarissavaa. Kiisalu allaffissornikkut sulisunik pikkorissanissamik kissaatit saqqunniunneqarsimavoq. Pikkorisarnerit tamakkua siusinnerusukkuli pilersaarutaapput, Qaanaami Upernavimmi sulisut 4.-11. marts pikkorissartinneqassapput Upernavimmi.

17. DK-mi ilaqutaasut unnuisarfissaannik pisinissamik siunnersuut, Isak Hammond.  
Siunnersuuteqartup kissaatigaa kommuni pisariaqassappallu kommunit allat pingasut suleqatigalugit København-imi napparsimasut Rigshospitalimi uninnganerini ilaqutaasut Københavnimiinnermini inissiffissaannik pisisoqassasoq. Suliassaq aallaqqaammut allaf-fimmi ingerlatsinerup iluani suliarineqassaaq, taavalu KANUKOKAp direktørinik ataatsi-meeqateqarnissaa saqqummiunneqassalluni. Suliassaq Inunnik Isumaginninnermi Ataatsi-miititami suliarineqarsimavoq, taassumalu siunnersuut isumaqatigineqassasoq siunnersuu-tigaa.
18. Eqqakkanik ingerlatsinermi sulisunik pikkorissaanissamut siunnersuut, KP.  
Anthon Frederiksen aamma Abel Karlsen siunnersuuteqarput nunaqarfinni eqqakkanik suliaqarnermi sulisut eqqakkanik navianaateqartunik suliaqarnermut pikkorissarneqassasut. Tamakkualu eqqortumik suliarineqarnissaat qulakkeerneqassasoq. Aasianni callcenterimi nunaqarfinni sulisut qaanoq piginnaasarnersut pillugit misissuineq ingerlanneqareerpoq, tamatuma kingorna nunaqarfinni eqqakkanik sullissinerup minnerpaaffilikkamik pitsaassu-seqarnerinnissaa siunertaralugu pikkorissaanissaq pilersarusiorneqassaaq. 2009-p affaani siullermi kommunemi atortunik nalunaarsuineq ingerlanneqassaaq, tamatumunngalu ilanngullugu atortut qanoq inneri nalunaarsorneqassapput.
19. Qeqertarsuarmi ataartartut majuartaateqalernissaannik siunnersuut, Timooq Mølgaard.  
Siunnersuuteqartup kissaatigaa Qeqertarsuarmi ataartartut najuartaataannik pilersitsinissa-mut suliniuteqartoqassasoq. Qeqertarsuaq siunissami ataarnermik timersuuteqarnermi qitiusunngortinneqarnissaa tusaamaneqalernissaalu siunniunneqartariaqarpoq. 2009-mut aningaasatigut pilersaarutini taamatut suliniuteqarnissaq ilanngunneqarsimanngilaq, taa-maattumillu suliassa Sanaartussanut Avatangiisinullu Ataatsimiititamat ingerlateqqinne-qassaaq, tassanngaaniit aningaasatigut pilersaarutitut ilanngussinissat isumagineqarsin-naammat, imaluunniit 2010-mut aningaasatigut pilersaarutitut ilanngunneqarsinnaassam-mat.

Takornariaqarnermut Inuutissarsiutitigutllu Inariartortitsinissamut Ingerlatsivniik Sullissinissa-mut isumaqatigiissut.

Aningaasaqarnermi Ataatsimiititap februarimi ingerlatsiviup sullissinissamik isumaqatigiissu-tissaanut siunnersuut saqqummiussaq akuersissutigaa. Ataatsimiititap kissaatigaa sullissinerup nalunaarsuortarnerata akulikinnerunissaa, qaammatit pingasukkaartoq, tamannalu isumaqatigiissummi iluarsineqarsimavoq. 2009-mut aningaasatigut pilersaarut soorunalimi naleqqussarneqarpoq, tassa piffissat nikingasut isumaqatigiissutit isumaqatigiissutigineqarnerani ilaatinneqarlutik. Isumaqatigiissut kiisalu aningaasatigut pilersaarut iluarsineqarsimasut takussutissatut ilaatinneqarput.

Naajaani pisiarfimmik toqqorsivimmik pilersitsinissaq.

KNI A/S Naalackersuisut siulittaasuanik Hans Enoksen-imik isumaqatigiissuteqarsimavoq illu-mik nutaanik sanasoqassasoq taannalu pisiniarfittut, toqqorsivittut kiisalu nillartaatitsivittut/querititsivittut atorneqassaaq. Isumaqatigiissutigineqarpoq atortussat pisariaqartinneqartut Namminersornerullutik Oqartussaniit pissarsiarineqassasut. Upernavik suliassamik tamatuminnga sanaartornissamut pilersarusiornikuuvoq, taannalu kommunip aningaasaleeqataaneratigut piusunngortinneqarsinaalerpoq. Suliassap pilersikkiartornerani kommune Namminersornerullutik Oqartussanut attaveqaataassaaq, taavalu KNI suliap pilersinnissaanut ingerlatsisuussalluni.

Qaanaami AGF-ip tunitsiviutaanik tigusinissamut suliniuteqartut kissaataat.

Qaanaami innutaasut ingerlatsinissami soqutiginnittut kommunemut saaffiginnissimapput siunnersorneqarnissaminnullu ikiorneqarnissaminnik kissaateqarlutik, tassa AGF-ip Qaanaami tunitsiviutaanik tigusinissaq siunertaralugu. Matumani ingerlatsivimmik selskabimik pilersitsi-nissamut taavalu AGF-imik attaveqarnissamut tungatillugu siunnersorneqarnissat kissaateqarlutik. Kommunip aallaqqaammut aallaqqaammut periarfissanut tunngatillugu AGF apeqqute-qaateqarfigaa, tassanngaaniit avataaniit nutaanik sullissinissamut isumaqatigiissusiornissaq innersuutigineqarpoq. Apeqqut tamanna erseqqissumik paasisaqarfigineqarpat, kommunip su-liaq piviusumik malinnaaffigeqqilissavaa, pisariaqassappat inuutissarsiutinik ineriartortitsinis-samut ingerlatsivik aqqutigalugu.

Namminersornerullutik Qartussat nammineerluni illuliassanik nunaqarfinnut agguasisarnerat.

Ungasinngitsukkut kommunemiit paasineqarpoq namminerluni illuliassat arfineq pingasut Savissivim-

mut tunniunneqarsimasut, taakkualu 100%-imik Namminersornerullutik Oqartussa-nit aningaasalersorneqartut. Kommuni taakkununga tunngatillugu sunnguamilluunnit ilisima-tinneqarsimangimmat aqutsisunut akisussaasunut apeqquteqaammik ingerlatitsisoqarpoq, taakkualu akissuteqarnermini oqaatigaat tamanna nunaqarfiup kiisalu naalakkersuisut siulitaa-suata akornanni toqqaannartumik attaveqatigiissimanerat tunngavigalugu pisoq. Tamatumalu kingornatigut aammattaaq paasinarsivoq aamma Kullorsuaq illunik qulaaluanik tunineqarsima-soq, kiisalu Oqaatsut illunik marlunnik tunineqarsimasoq. Illut taakkua tamarmik nukissiuuti-nik atuinnermut sipaarutininik pilerneqarsimapput annertunerusumik kiffiarneqarsimallutik. Soo-runami kommunip illunik taakkunanga nutaanik agguaassiffiqarsimaneq akilerinissaanut tunngavissaqanngilaq, kisiannili taakkua sapinngisamik pitsaanerpaamik inissinneqarnissaat illut taakkua inissivissaanik najugaqartut isumaqatigiissuteqarfiginissaat kissaatigaa, tassa na-jugaqartut najukkaminni sunik pisariaqartitsinermik ilisimasaqarnerat tunngavigalugu.

Ataatsimiititat siulittaasuiniit paasissutissat.

Oqarluuserisassaaq taanna siunissami oqaluuserisassatut paasissutissat ataanni aalajangersima-sumik inissinneqartalissaaq. Ataatsimiititaliat ataavartut sisamaasut siulittaasuisa kiisalu borg-mesterip sulianut ingerlasunut tunngatillugu susasaqarfimmi iluiniittunik paasissutissiisassap-put. Kisiannili erseqqissarneqassaaqtassani eqqartorneqartussat tassaanngimmata politikikkut aalajangiiffigisassat, tasaanerussallutillu aalajangiiffigeriikkat suliarineqarnerinik paasissutis-siinerit tamanut iluaqutaasus-sat.

Inunnik Isumaginnittoqarnerup iluani periusissanut/piginnaasanut tunngasutigut pilersaarutit akuerisat.

Inunnik Isumaginninnermi Ataatsimiititap kingullermi ataatsimiinnermini sussaqaarfimmi iluani periusissanut piginnaasanullu pilersaarutissaq akuersissutigaa. Pilersaarut tunngavigalugu siunissami sulinissaq assigiiaaq ingerlanneqartalissaaq, apeqqutaatinnagu suliaqartut sumi inissisimanersut.

Atorfinititsinerit atorfeqartitsigallarnerillu:

Aningaasaqarnermut ataatsimiititaliaq aalajangerpoq, Magga Fencker isumaginninnermut pitsaaliuinnermullu immikkoortortami pisortatut atorfinitinneqassasoq. Ilangullugulu aalajangiunneqarluni atorfiit sinneruttut saqqummiuteqqinneqassasut, taamaattumillu atorfeqartitsigallarnerit massakkutut ingerlaannarallassallutik, akisussaaffinnik allannguisoqartinnagu. Piffissami qaninnermi siunnersuummik siullermik aaqqissuusaanermut pilersaarummut allannguutissatut suliarineqarsimasumik saqqummius-sisoqassaaq, siunertarineqarluni, aningaasaqarnermut aqutsinermi , ataqatigiissaarsinermi, ilisimatitsis-sutinillu suliaqarnermi suliaassat nukittorsarneqassasut.

**Aalajangiussaq:**

**Tusaatissatut tiguneqarput.**

<b>Suliaq nr.</b>	<b>KOM 09-1001</b>	<b>Tapili.nr.</b>	<b>001</b>	<b>Journal nr.</b>	
<b>Qulequtaq</b>	<b>2008 Ukiumoortumik naatsorsuutaagallartut inernerit.</b>				

### Suliamik saqqummiineq:

Februarip qiteqqunnerani siusinnerusukkut kommuniusimasuni arfineq pingasuusuni oqimaaqatigiisitsinerit suliarineqarput. Oqimaaqatigiisitsinerit ilanngussatut ilaatinneqarput.

Akileraarutitigut isertitatigut natsorsuutitut ilanngutassat, kiisalu konto 8-mi taakkua 2006/2007 iluarsissuteqarfiginissat amigaatigineqarput. 2008-mut akileraarutitigut isertitatigut annertussuliinissaq, tassa isumaqatigiisut atuuttoq aallaavigalugu 2007-imi annertussuseq + 2% akilerneqartussaq suli amigaatigineqarpoq, tamatumalu kingornatigut akileraarutitigut nalu-naarsuutit redegørelsit naatsorsuutitut ilanngutereerpata iluarsivigineqartussat amigaatigineqarput Ukiup naanerani billagit arlaqartut naatsorsuutitut ilanngutassat aammattaaq amigaatigineqarput.

2006-imut aammalu 2007-imut akileraarutitigut isertitatigut inaarutaasumik iluarsissutit malunaarsorneqarneri Akileraararnermi Pisortaqarfimmiit tiguneqarput. Takukkit matuma ataani nalunaarsuiffimmi skemami allatorneqarsimasut. Matumani maluginiarneqassaaq naggataaru-taasumik iluarsissutit kinguortoofiuinerujussuannik Qaasuitsup Kommunia kisimi eqqorneqan-ngimmat kisinnili Kalaallit-nunaanni kommunit tamarmik eqqorneqartut, tassani pingasut eq-qarsaatigissannikkaanni.

	<b>KANG</b>	<b>AAS</b>	<b>QAS</b>	<b>ILU</b>	<b>QEQ</b>	<b>UUM</b>	<b>UPE</b>	<b>AVA</b>	<b>I ALT</b>
<b>A' conto skat januar</b>	1.906.308	6.564.825	2.838.536	9.696.370	-69.122	5.919.953	5.506.788	0	32.363.658
<b>Selskabsskat 2008</b>	17.941	765.576	608.754	3.434.210	87.651	743.838	433.252	12	6.091.234
<b>Regulering 2007</b>	-1.244.263	-4.830.820	1.264.118	-8.584.569	-1.932.502	-2.575.825	-4.963.260	0	-25.395.357
<b>Regulering 2006</b>	-65.098	0	-367.571	-3.764.752	-117.619	-514.356	-716.620	0	-5.546.016
<b>I alt</b>	<b>614.888</b>	<b>2.499.581</b>	<b>1.815.601</b>	<b>781.259</b>	<b>-2.031.592</b>	<b>3.573.610</b>	<b>260.160</b>	<b>12</b>	<b>7.513.519</b>

Kisitsisit saqqummiunneqartut takutippat januar 2009-mi utaqqisaasumik akileraarutitigut iser-titat 32 mio. kr. missaaniittut kiisalu selskabit akileraarutaat 6,1 mio. kr. missaaniittut Akile-raararnermi Pisortaqarfimmiit akilereerneqarsimasussaagaluartut. Kisiannili taamaallaat 7,5 mio. kr. akilerneqarsimapput, tassa Akileraararnermi Pisortaqarfiup ukiut akileraarfiusut 2006 aamma 2007 iluarsiviginnissimaneranik tamanna pissuteqarpoq. Nalinginnaasuuvoq januarip qaammataani ukiup siuliani ukiumiut akileraarfimmuut tunngassuteqartut iluarsivigineqartar-nerat, kisiannili 2006-imut tunngassuteqartut 2009-mi iluarsivigineqarsimanerat nalinginnaan-ngilluinnarpoq. Akileraararnermi Pisortaqarfimmit nassuerutigineqarpoq akileraarutitigut naat-sorsuisarnerup kommuneniit qitiusumut nuussinerup kingunerisaanik ikaarsaariarneq ajornar-torsiutinik nassaqartarsimamammat, taamaattumillu 2006-imut tunngatillugu iluarsissutit januar 2008-mili suliarineqareersimasussaagaluarpot. Kommunit sionatigut isertitassatigut qanoq inissisimanermik tamatuma kingunerisaanik takunnissinnaajunnarnera aarlerinartorujus-suartut nalilerneqarpoq, taamaattumillu tamatuma tungaatigut naalakkersuisoqarfimmik oqalo-qatiginninneq aallartittariaqarpoq, tassa tamatuma tungaatigut malittarinissinnaleqqinnissaq eqqarsaatigalugu, tamatumunngalu ilanngullugu akiligassatigut kinguortoortit akilersinniarne-rinut tunngasutigut, tassami tamatuma tungaatigut ullumikkut ingerlatsineq naammaginangit-sutut nalilerneqartariaqarmat. Apeqqutit taakkua tungaasigut nuna tamakkerlugu qanoq iliuu-seqarnissaq Kanukoka aqutigalugu qaqinneqartariaqarpoq, taamaaliornikkut kommunit sisa-maallutik ajornartortitit iluarsiviginerlugit naalakkersuisoqarfimmik isumaqatigiinniarnissa-mik ingerlatsilerniassammata.

31 mio. kr-nit januarini kommunimut akiliutigineqartuniit ilanngaatigineqartut saniatigut Akileraararnermi pisortaqarfik ismaqarpoq Upernavimmiit 9 mio. kr-inik suli pisassaarluni, tassa 2006-imi akileraarutitigut akiliutitnut akilinngitsukkanut tunngatillugu, tamannalu BDO-p kommunit kukkunersuisuisa ilu Moornerarpaat. Naatsorsuutigineqarpoq taakkua kommunip feb-ruarimi pisassaangaaniit ilanngaatigineqassasut.

Kiisalu Namminersorerullutik Oqartussat Qaanaamut atukkiussat/qulanaveeqqusikkat 6 mio.-iusut

ilanngaatigisimavaat. Taamatut ilanngaateqarnerup kommunip akiliisinnaassusia eqqar-saatigalugu aningaasatigut inissisimanerata qajannaalisarnissaanik pisariaqartitsineq suli sak-kortunerulersippaa. Naalackersuisut atukkiisarnermut tunngatillugu sunik piunasaqaateqarto-qarnersoq pillugu paasisstutisat amigaatigineqarput.

Kommunip januar 2009 aamma februar 2009-mi akileraarutittigut isertitassatigut pissarsiassaa-nit katillugit 46 mio. kr-nit ilanngaatigineqarput. Januarimut tunngatillugu tamatuma kinguneri-simavaa bloktilskud-inik pissarsiassanik 35 mio. kr.-inik siumoornissaq qinnutiginearmat, taak-kualu aningaasarsianut utoqalinersianullu matussutissatut atorneqassapput. Siummoorutinit siullit 10 mio. kr. februarimi tiguneqassapput sinnerilu juni 2009-p tungaanut agguataarneqas-sapput, Naalackersuisut allakkiaat ilanngunneqartoq takuuk. Kiisalu tamatumunnga atatillugu aningaasarsiaqarnikkut aqqissuussinerup qitiusumut nuunneranut atatillugu aalajangerneqarsi-mavoq aningaasarsiat qaammamsiat tunniunneqartarneri ullunik pingasunik-sisamanik siuartinneqassasoq, tamannalu ilaatinneqarpoq. Tamatuma kingunerivaa kommunip aningaasa-tigut pilersaarutininik aalajangiussinerani siunniunneqartuniit siusinnerusumik aningaasanik an-nertunerusumik akiliteqartalerneerat. Aningaasarsiat tunniunneqarnerisa saniatigut qaamatip naalernerani akileraarutit Namminersornerullutik Oqartussanut akileneqartassapput. Akerlia-nilli kommunip utaqqiisaagallartumik akileraarutitigut akiliutit, bloktilskuddit akiliussissuti-nillu utertisissutit qaamatip tulluuttup aallartinnerani aatsaat tigusarpari. Tassa tamatuma kinguneraa kommunip aningaasatigut tigorianaateqarnerata siusinnerusumut naleqqiullugu ullorpassuarni annertuumik ilanngarneqartarnera, tamatumalu maannakkut kinguneraa kommu-nip akilisinnaanerata tamatumunnga nammassinnaajunnaarsinneqarnera.

Tamatumunnga tunngatillugu kommune isumaqarpoq bloktilskud-inik nalimmassaanermullu aqqissuussineq januarrip aallartiffianiit atuutitertariaqaraluartoq. Akileraartarnermi Pisorta-qarfik isumaqarpoq akiliutissanik februar-imiit kingumoortumik tunniunneqartassasut. Tamatu-mali kinguneraa aningaasanik tigorianaannarnik pisariaqartitsinerup annertusinera.

Aammalu maluniassallugu pingaaruteqartoq tassa ukiup naaneranut naatsorsuutitut ilanngar-tussat suli amigaatigineqarmata, tamatumani lu isertitassat, aningaasartuutit, kiisalu statuskontut misissorneri, tamatumunngalu ilaatillugu akiligassatigut kinguartoorutit qanoq ingerlanerininik nalunaarsuinerit. Tamakkua ukiup naanerani naatsorsuutit massakullu inissisimaneq sunniute-qarfigisussaavaa. Naggataarutaasumik naatsorsuinerit kukkunersiuisut marts-april 2009-mi il-loqarfinnut arfineq pingasunut angalanissaannut atatillugu aatsaat pisinnaavoq.

Aningaasaqarnermi Ataatsimiititaq 20. februar 2009 ataatsimiinnermini aalajangiuppaa, sapinngisamik piaarnerpaamik naalackersuisoqarfiit attuumassuteqartut ataatsimeeqatiginissaat aqqissuunneqassasoq, taamaaliornikkut akileraarutitut tunngatillugu akiliteqartarnerit iluar-siissuteqartarnerillu naapertuullumik ingerlanneqartalerinissaata kiisalu akiligassatigut kinguar-toorutitigut akiliisitsiniartarnerit naapertuunnerusumik aqqissuunneqarnissaat anguneqarnis-saat siunertaralugu.

2008-mut ukiumut naatsorsuutit kiisalu killiffiit ilisimatitsissutigineqarnerat oqaluuserisassa-mut tullermut attuumassuteqarput, tassa kommunip akiliisinnaassusia pillugu paasisstutissiiner-mut.

### **Inassuteqaat:**

## **Kommunalbestyrelsi qinnuvigineqarpoq oqaluuserisaaq tusaatissatut tiguneqassasoq.**

### **Tapiliussaqq/ssat:**

1. Nalimmassaatit.

**Aalajangiussaq:**

**Kommunalbestyrelsep kissaatigaa aningaasatigut sukannersumik aqutsineqassasoq, kommunep aningaasatigut tigeriaannaasutigut nukittorsarnissaa siunertaralugu.**

**Kommunalbestyrelsemiit utaqqineqassaaq kukkundersiuisut 2008-p naatsorsuutaasa misissuataar-simanissaat.**

**Kommunalbestyrelsep immikkut kissaatigaa akileraartarnermut tunngasut misissuiffigeqqis-saarnissaat, 2006-mut 2007-mullu annertuunik akiligassinneqarsimaneq eqqarsaatigalugu. Kukkundersiuisut ikiorsiissapput susassaqarfiup misissuataaqqissaarnissaannut kisitsisit tunnga-vissaqavissornerisut qulakkeerniarlugu.**

<b>Suliaq nr.</b>	<b>KOM 09-1002</b>	<b>Tapili.nr.</b>	<b>002</b>	<b>Journal nr.</b>	
<b>Qulequtaq</b>	<b>Aningaasaqarneq pillugu nalunaarsuioqarneq, 2009.</b>				

### Suliamik saqqummiineq:

12. februaari naatsorsuutininik saqqummiisoqarpoq, ilanngussatut ilineqarlutik arfinilinnik kisitsisitalerlugit. Erseqqissaatigineqassaaq naatsorsuutit maanna kisitsisinik eqqortunik takussutissiinnngimmata. Ulloq manna tikillugu sulii iluatsitsisoqanngilaq qitiusumik akissarsianut naatsorsuuserivimmiit fiilininik borgföriinermut atugassanik pissarsinissaq, aningaasanut amerlasuunut tunngatillugu sulii nalunaarsuioqanngilaq, kommunip aningaasartuutaanik 50% akissarsianut atorneqartarput. Nalunaarsuinnitsoornerup kinguneraa, pensioninut utertitassat aammalu aningaasartuutit allat sulii eqqortunik nalunaarsorneqarsmanningeri. Naatsorsuutigineqarpoq 15-18 mio. Tungaanut utertitassat sulii pineqanngitsut. Innersuussutigineqarpoq immikkut namminersornerullutik Oqartussat aamma kommunip isumaqatigiissutaat immikkoortunngorlugu ilanngunneqarsimasooq.

Konto 3 aamma 4 nunaqarfinni sulii ikkussorneqanngillat, kontot aatsaat sapaatip akunnera kingulleq pilersinneqarput. Aammalu kontonut ikkorsorneqarsimasunut atorunnaartunut sulii iluarsaasoqarani, kiisalu kontot atorneqartussat missingersuutininut malinnaanermi iluarsarneqarsimanatik. Tamanut atuuppoq, kontolerinermi malittarisassat malinniarneqarneri aammalu kontonik immikkut pilersitsinermi Pisortaqatigiit akuereqqaartarmata missingersuutininut malinnaatinneqarnissaq takunnissinnaanissarlugu anguniarlugit.

Aningaasartuutit amerlasuut utaqqiisaasumik kontonut iliorarneqarsimapput, kontonik nutaanik pilersitsinissaq ajornarmat kontoni 1, 3, aamma 4-mi aningaasartuutit bogföerneqarsimasut ataani takussutissami nalunaarsorneqarsimapput, taamaattumillu ingerlatsinermi bogförikkanik sunnerneqarsimallutik.

Massakkuugallartoq aalajangiunneqarsimavoq illoqarfinni arfineq pingasuni akiligassaqarfiiit akiliiffigineqassasut. Tassani pineqarpoq ingerlatsinermi ingerlaannartoqarnissaa, taamaalilluni akiligassaqarfinnut akiliinissaq qulakkeerneqarluni. Akiligassaqarfinnut akiliisarneq qitiusumiit ingerlanneqartussaavoq, taamaalilluni piffinniit kontonik naligiissaarsineq siunertamut atorunnaarluni. Pisariaqartitsisoqarnera tunngavigalugu piffinni kontot atuinnaarallapput. Kisiannili naatsorsuutigineqarluni 2009-ip qeqqani akiliisarnerit tamarmik qitiusumit ingerlanneqalernissaat.

### **Konto 1.**

Konto	Suunera	Missingersuutit 2009	Ilassutit 2009	Missingersuutit iluarsisat	Atuineq 02/2009	%
Konto 10	Qinikkanut aningaasartuutit	14.104		14.104	245	1,7
Konto 11	allaffissorneq	109.668		109.668	1.444	1,3
Konto 12	Kantinap ingerlanneqarnera	29		29	1	3,4
Konto 13	IT-mik sullissivik	4.013		4.013	466	11,6
Konto 18	Sullissiviit akimorlugit suliat	5.931		5.931	190	3,2
<b>Konto 1</b>	<b>allaffissorneq</b>	<b>134.578</b>		<b>134.578</b>	<b>2.376</b>	<b>1,8</b>

Soorlu immikkoortortat allat assigalugit akissarsiat bogföerneqanngillat. Konto 1-mi BR 1-2009mut atatillugu nalimmassarneqartussaavoq IT-mik ingerlatsineq, tassani kommuniusimasuni arfineq pingasuni arfineq marluk IT-mik ingerlatsineq konto 11-mut bogföresimallugu, nalinginnaasumut 134.mut pinnagu. Immikkoortumi ataatsimut aningaasartuutit saniatigut 2007 + 8%-itit saniatigut aningaasartuutissanik immikkoortitsisoqartariaqarpoq, kommunimi ataatsimut attaveqalernissamut, kiisalu piffinni Winformatikkitt telefonillu nutaat pilersinneqarnerinut aningaasaleqqittoqartariaqarluni. Kingulleq aatsaat 2010-mi pisussatut utaqqisinnaavoq.

Missingersuutininut sillimmasiinerimut aammalu pilersaarusiortarnernut aningaasartuutit pillugit aalajangiisoqarnissaa amigaatigineqarpoq, taakkua qitiusumi missingersuusiorneqartariaqarput, imaluunniit piffinni normunut 40-nut ilineqarlutik. Konto 18-83 atorunnaartussaavoq, Qeqertarsuarni aningaasaqarnerimut ataatsimiititaliaq atoriaannarnik aningaasanik uninngasuuteqartariaqanngimmat. Aningaasat 0-nnortittariaqarput, taamaalillunilu 310.000 kr. Sipaarneqarlutik.

**Konto 2.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 20	Aqquserngit ikaartarfiit tummeqqat il.il	10.449		10.449	146	1,4
Konto 21	Eqqiaaneq aputaajaaneq	5.487		5.487	434	7,9
Konto 22	Pisuussutit uumassusillit.	1.166		1.166	98	8,4
Konto 23	Kommunip suliffeqarfiutai.	9.024		9.024	27	0,3
Konto 25	Qatserisartoqarneq .	14.623		14.623	170	1,2
Konto 27	Teknikkeqarnermi suliffeqarfiit allat.	16.575		16.575	220	1,3
<b>Konto 2</b>	<b>Teknikkikkut immikkoortoq</b>	<b>58.356</b>		<b>58.356</b>	<b>1.099</b>	<b>1,9</b>

Aputaajaanermut tunngatillugu missingersuutini sullissinnermut isumaqatigiissut akuerineqarsimasoq tunngavigalugu iluarsisariaqarput. Konto 2-miit 37-mut nuussisoqassaaq, tassani kommuniusimasut inuussutissarsiornermi siuarsaanermi konto 2-mi akissarsiaqartitsisimmata. Tamanna BR-1-mi 2009-mi ilanngunneqassaaq. Qatserisartoqarfimmi aqqissuussaaneq nutaaq eqqarsaatigeqqittariaqarpoq, pisortat pissutsinut piviusunut amerlavallaarsorinarmata. Kisianni kommunimut nutaamut sillimaniarnermut/Aaqqissuuisartumik pisortamik nutaamik atorfinitsitsisoqartariaqarpoq. Tamanna pisinnaavoq atorfimmuut tunngatillugu iluarsisoqareerpat.

**Konto 3.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 34	Suliffissaqartitsiniarnermi siuarsaaneq.	10.294		10.294	137	1,3
Konto 35	sungiusaaqqinneq.	5.368		5.368	207	3,9
Konto 36	Illut inuussutissarsiornermi pigisat.	194		194	44	23
Konto 37	Inuussutissarsiornermi suliat	5.551		5.551	- 4	-
Konto 38	siunnersuisarfik	21.408		21.408	587	1,2
<b>Konto 3</b>	<b>Suliffissaqartitsiniarnermut inuussutissarsiornermullu immikkoortoq</b>	<b>42.815</b>		<b>42.815</b>	<b>971</b>	<b>2,3</b>

Soorlu konto 2-ni taaneqareersoq, missingersuutini aningaasartuutissanik konto 11-miit aamma 2-miit konto 37-mut nuussisoqartussaavoq taamaalilluni sullissinnermi isumaqatigiissut malillugu inuussutissarsiornermi ineriartortitsivik akissarsiaqarniassamat. 2009-mut missingersuutai nalimmassarneqassapput isumaqatigiissut atuutilerpat. Ilmanarpoq 1. aprili 2009.

Konto 38 iluarsineqartussaavoq pissutsit piviusut aallaavigalugit, taassuma ataani Namminersornerullutik Oqartussaniit utertitassat ilaallutik.

**Konto 4.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 40	Akeqanngitsumik inissat.	468		468	32	6,8
Konto 41	Ulloq unnuarlu paaqqinnittarfiit.	36.703		36.703	845	2,3
Konto 43	Siusinaartumik pensionit.	23.806		23.806	245	1,0
Konto 44	Meeqqanut akilersuutit .	192		192	138	71,9
Konto 45	Pisortatigut ikiorsiissutit .	20.450		20.450	1.794	8,8
Konto 46	Isumaginninnermi akilikkat allat.	13.930		13.930	4.563	32,8
Konto 47	Utoqqarnik isumaginninneq.	102.103		102.103	667	0,7
Konto 48	Innarluutilinnut isumaginninneq.	2.117		2.117	195	9,2
Konto 49	Isumaginninnermut aningaasartuutit allat.	1.635		1.635	159	9,7
<b>Konto 4</b>	<b>Inunnik isumaginnittoqarfik</b>	<b>201.404</b>		<b>201.404</b>	<b>8.639</b>	<b>4,3</b>

Siorngatigut taaneqareersutut, pensionit utertitassallu suli bogførerneqanngillat. Namminersornerullutik

Oqartussaniit ineqarnermut tapiissutinik aammalu innarluutilinnut akiliutissat suli tunniunneqanngillat.

### **Konto 5.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 50	Ulluunerani paaqqinnittarfiit.	76.537		76.537	- 1.786	-
Konto 51	Atuarfeqarfik.	222.305		222.305	2.518	1,1
Konto 53	Sunngiffimmi sammisassaqaartitsineq.	31.559		31.559	388	1,2
Konto 55	Atuakkanik atorniartarfik.	2.707		2.707	66	2,4
Konto 56	Katersugaasiviit.	4.890		4.890	226	4,6
Konto 59	Kultureqarnermut sunngiffimmilu siunertanut tapiissutit .	7.980		7.980	621	7,8
<b>Konto 5</b>	<b>Ilinniartitaanermut piorsarsimassutsimullu immikkoortoq</b>	<b>345.978</b>		<b>345.978</b>	<b>2.133</b>	<b>0,6</b>

Ulluunerani paaqqittarfinnut akiligassat nassiussorneqarsimapput, taamaattumik isertitatut nalunaarneqarput, tamatumunnga aamma atuuppoq konto 51.

### **Konto 6.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 62	kiassarneq	15		15	0	-
Konto 66	Eqqaaviit/anartarfiit	6.645		6.645	402	6,0
Konto 68	Pilersuinermi sullissineq	7.354		7.354	- 170	-
<b>Konto 6</b>	<b>Pilersuinermi sullissineq</b>	<b>14.014</b>		<b>14.014</b>	<b>233</b>	<b>1,7</b>

Tamanna aamma ingerlatsinermit atatillugu allatut atuuppoq, akiligassat nassiussorneqarsimapput, kisianni ingerlatsinermi akissarsiat bogfrernerneqanngillat.

### **Ingerlatsineq, konto 1-6.**

Februaarip qiteqqunnerani oqaasertalissallugu pisariaqanngilaq. Aatsaat akissarsiat pensionillu bogfrernerneqareerpata utertitassallu utertinneqareerpata aammalu tapiissutit tunniunneqareerpata naatsorsuutit iluamik isikkoqalissapput. Februaarip qiteqqunnerani 50 mio. akissarsianut pensioninullu atukkat utaqqissaasumik kontonut nalunaarsimapput

### **Konto 7.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 70	Ineqarnermut immikkoortoq	19.362		19.362	1.053	5,4
Konto 71	allaffissorneq	1.100		1.100	0	-
Konto 72	Teknikkeqarnermut immikkoortoq	27.468		27.468	485	1,8
Konto 73	suliffissaqaartitsiniarneq	185		185	0	-
Konto 74	Inunnik isumaginnittoqarfik	9.727		9.727	445	4,6
Konto 75	Ilinniartitaanermut piorsarsimassutsimullu	5.815		5.815	0	-
Konto 76	Pilersuineq	600		600	0	-
Konto 77	nunagissaaneq	8.080		8.080	1.112	13,8
<b>Konto 7</b>	<b>sanaartorneq</b>	<b>72.337</b>		<b>72.337</b>	<b>3.095</b>	<b>4,3</b>

Sanaartornermut tunngasunik oqaaseqaateqartoqanngilaq.

**Konto 8.**

Konto	Suunera	Missingersu utit 2009	Ilassut 2009	Missingersu utit iluarsisat	Atuineq 02/2009	%
Konto 80	Isertitanut akileraarutit	- 420.631		- 420.631	0	-
Konto 81	Ataatsimoortumik	- 7.986		- 7.986	0	-
Konto 83	Tapiissutit nalimmassaanerillu	- 521.505		- 521.505	0	-
Konto 85	Erniat aningaasaatinillu iluanaarutit	- 20.346		- 20.346	- 161	0,8
Konto 86	Isertitat allat	- 9.420		- 9.420	0	-
Konto 88	isumakkeerinerit	4.469		4.469	0	-
<b>Konto 8</b>	<b>Isertitat</b>	<b>- 978.128</b>		<b>- 978.128</b>	<b>- 161</b>	<b>-</b>

Januaarimut februaarimullu taamaallaat tapiissutit tiguneqarsimapput, nalimmassaanerit utertitassallu tiguneqaratik. Isertitanut tunngatillugu suli bogføerneqanngillat, tamatumunnga utaqqimaarneqarpoq akileraarutinik ilanngaasissoqarnissaa.

Nummi illunik naliliisartoq Palle Frederiksen isumaqatigineqarsimavoq, illutit nalilerneqarnissaanut atatillugu, tamakku tuniarnearput attartortumiit piginnittumut periuseq malillugu. Inatsisit tamatumunnga atuuttut nutaat attuumassuteqanngittumiit nalilerneqarnissaat inassutigimmassuk

Soorlu immikkoortumi siuliani taaneqartoq kommune januaarip februaarillu ingerlanerani pisussaaffinnut aningaasatigut tigussaasumik amigaateqarsimavoq. Pisariaqarsimavoq januaarip naanerani Namminersornerullutik Oqartussaniit siumoornissaaq, pissutaalluni akileraarutinik ilanngaanneqarnerujussuaq kiisalu utertitassat tunniutinngitsuukkat, tunngavilersorneqarsimasut 09-001-mi.

Tassunga ilanngunneqarluni februaarimi kommune 52 mio. Kr.-mik DCR-miit ilanngaanneqarsimanera. Kukkuneq annertuneq kommunimiippoq, tassami teknikkikkut akiligassanut naatsorsuutit kukkusut nassiunneqarsimammata, allassimammata kommune 52 mio. Kr.-mik akilissasooq. Tamakku akiligassat tamatigoruinnangajak kommunimut pissaritinneqartarput, akuttulluni akerlianik pisoqartarnera. Kommunimut akiligassatut nalunaarsorsimasunut pissutaapput, suli Namminersornerullutik Oqartussat kontonik pisariaqartunik pilersitsisimannginnera, tapiissutinut, nalimmassaanerit utertitassanullu tunngasuni. Kukkuneq nassiussisumit tiguisumillu paasineqarsimasariaqaralarpoq, kukkunerup annertuallaarnera pissutaalluni.

Namminersornerullutik Oqartussanut saaffiginnittoqarpoq 52 mio. Kr.-nit utertinnissaat pillugu, ilanngullugulu 6 mio. Kr. Naalakkersuisuniit akilersinneqarsimasut, Qaanaamut atukkiussat. Piumasaqaatigineqarsimavoq 35 mio. Kr. Utertitaat suli tunniunneqanngitsut akilerneqarnissaat. Aningaasat taakku qaammammata aalajangersimakannersuupput, taamaattumillu teknikkikkut ajutoornermi uninngatinneqarsinnaanatik

**Inassuteqaat:**

**Kommunalbestyrelsi qinnuvigineqassaaq ilisimatitsissutit tusaatissatut tiguneqassasut.**

**2009-mi qaammatit pingasut qaangiuppata aningaasatigut nalunaaruteqartarneq kiisalu naatsorsuutitigut ingerlatsinermi aningaasatigullu pilersaarutinik iluarsisarermi ator-tussat pitsaanerulersinneqarmasut inissinneqarsimassapput.**

**Ilanngussaq:**

1. Naalakkersuisunut allagaq.

**Aalajangiussaq:**

**Tusaatissatut tiguneqarpoq.**

<b>Suliaq nr.</b>	<b>KOM 09-1003</b>	<b>Tapili.nr.</b>	<b>003</b>	<b>Journal nr.</b>	
<b>Qulequtaq</b>	<b>Qaasuitsup Kommunia-ni akuersissutinik tunniussisarnissamut periutsit siunnersuut.</b>				

### Suliamik saqqummiineq:

Siusinnerusukkut kommuniusimasut arfineq-pingasusut 2009 tikillugu imigassallernissamut akuersissutinik ulluinnarni ingerlatsinermi periutsit assigiinngitsut atorneqarsimapput, tassa imigassallernissamut aalaakkaasunut tuniniaanernullu tunngasut eqqarsaatigalugit kiisalu ataasiaannatumik imigassallernissanut tunngatillugu. Maannalu kommunip kommunimi tamarmiusumi imigassanut tunngatillugu akuersissutit assigiinngitsut tamaasa eqqarsaatigalugit assigiaartumik periuseqalernissaq isummerfigisariaqarpa.

Suliap suliarineqarnissaanut saqqummiunneqarnissaanullu atatillugu kommunitoqqani politikikkut periusiusimasut pissarsiarineqarput.

### Ilulissat:

Kommunip illuutigisaanut, (Sermermiut/timersortarfik) unussioortitsinerit imigassartallinnut qaammammut akuersissut tunniunneqartarpoq. Peqatigiiffiit aaqquissuinerit akunnerminni nammineq agguartassavaat.

### Qasigiannugit:

Peqatigiiffit annertunerpaamik ukiumut marlunnik tunineqartarput.

### Kangaatsiaq:

Peqatigiiffit annertunerpaamik ukiumut marlunnik tunineqartarput.

Kommuniusimasut tamatumunnga tunngatillugu maleruagassanik tunniussaqaqqangillat.

Inatsit 2000-imeersoq tunngavigalugu kommunalbestyrelsi inuiaqatigiit akornanni imigassamik atuinerit millsimatinnissaa suleqataaffiginiarlugu aalajangersakkanik pilersitsinnaavoq

Aningaasaqarnermi Ataatsimiititaq siusinnerusukkut aalajangernikuuvoq imigassallernissamut akuersissutit aalajangersimasut pioreersut tassa type A, B, C, D aamma E allaffimmit suliarineqartarput, tamakkualu innuttaasunit naammagittaalliutaatinnagit politiinillu uparuaaffigineqaqqangippata. Akuersissutit nutaat utaqqissagallartumik tunniunneqartasapput, tassa kommunalbestyrelsip aalajanger-nissaata tungaanut. Suliassat taamaattut ataatsimiinnermi matumani suliarineqartussaapput.

Ataasiannatumik imigassallernissamut akuersissutinut tunngatillugu siusinnerusukkut kommunalbestyrelsi annikitsumik eqqartorsimavaat, tassaa meeqqat 18-t inorlugit ukiullit taamaattunut peqataasussaappata akuersissutit itigartitsissutigineqartalernissaat eqqarsaatigalugu, soorlu assersuutigalugu timersornikkut pissartarnngorniunnerni naggataarnersiornerit.

### Aningaasatigut kingunerisassai:

Akuersissuteqartarnerit politikki ullumikkut atuuttoq annikillisinneqassappat naatsorsuutigisariaqarpoq peqatigiiffiit suliniuteqarnerminnut atatillugu tapiissutinik qinnuteqartar-nissaasa annertusinis-saat. Maannakkorpiaq allatigut tapiissutinik annertunerusunik qinnuteqartalernissap qaffannissaasa qanoq annertuseriaateqassanersoq ersseqqivissumik oqaatigineqarsinnaanngilaq, kisiannili komminut qinnuteqartarnerup annerusinnissaa naatsorsuutigisariaqarpoq.

### Inatsisitigut tunngavissat:

Inatsisartut inatsisaat 2000-meersoq kingusinnerusukkut ilassuteqartitaq.

**Inassuteqaat:**

**Suliamut tunngatillugu aalajangersimasumik innersuuteqartoqanngilaq, kisiannili kommunalbestyrelsi periarfissat inatsimmi periarfississutigineqartut tunngavigalugit siunisami imigassallertarnermut tunngatillugu politikimik pilersitsinnaavoq kiisalu pingaartumik 18-t inorlugit ukiulinnik peqataasoqartillugu imagassallertoqartassanersoq aalajangiiffigisinnaallugu**

**Tapiliussat:**

1. Inatsisartut Inatsisaat 2000-imeersoq.
2. Sumiiffinni aalajangersakkat.

**Aalajangiussaq:**

**Kommunalbestyrelsep aalajangiuppaa, annerpaamik akuersissutinik 2-nik peqatigiiffik ukiumut tunineqartassasoq. Piumasaqaataavoq peqatigiiffik atuuttunik malittarisassaqaassasoq, siulersuisoqarluni atuuttunik, aammalu naatsorsuutit ukiumoortut akuerisaasut tunniussimassallugit.**

**Taamaattoq kommunalbestyrelsep siusinnerusukkut aalajangiussimasat ataqqissavai, ilaatigut akuersissutit 2-niit ikinnerusinnaasut, imaluunniit piumasaqaatit imigassartorpallaarnermik killilersimaarniarlugit atuuttinneqartut.**

**Taamaattoq immikkut qulaani taaneqartunit akuerissutiginnittoqarsinnaavoq, tamatumanili borgmesteri akuersissuteqassaaq.**

**Aaqqiissuussinernut immikkut akuersissutinik tunniussisoqartassanngilaq 18-nit inorlugit ukiullit peqataaffigisaannut.**

<b>Suliaq nr.</b>	<b>KOM 09-1004</b>	<b>Tapili.nr.</b>	<b>Ingen</b>	<b>Journal nr.</b>	
<b>Qulequtaq</b>	<b>Siunnersuisooqatigiinnut, ataatsimiittitalianut sumiiffinnilu ataatsimiittit. toqqaaneq.</b>				

### Suliamik saqqummiineq:

Soorlu siorngatigut Naalakkersuisunit aalajangerneqarsimasooq, aammalu Ikaarsaariarnermi ataatsimiittitaliamit ulloq 8 maaji 2008 naqissuseqartumit ulloq manna tikillugu ilaasortassanik toqqaaneq atuuppoq, allamik aalajangiisoqarnissaata tungaanut, imaluunniit nuna tamakkerlugu inatsisit tunngavigalugit nalimmaasoqarnissaata tungaanut.

Kommunalbestyrelse ataatsimiinnermi naliliisussaavoq, siunnersuisooqatigiinnut, ataatsimiittit, piffinni ataatsimiittitaliat, imaluunniit siulersuisut pillugit, tamarmik, nuna tamakkerlugu malittarisassaminni imaluunniit piffimmi aalajangersakkamini malittarisassaminnilu kommunalbestyrelsimut qinnuteqarsimappata ilaasortassanik toqqaasoqarnissaanik, piffimmi malittarisassaqtillugu toqqaanermi malinneqartussamik, tamanna malinneqassaaq, allamik, siunnersuisooqatigiinnik, ataatsimiittitanik, aalajangiisoqarnissaata tungaanut assersuutigalugu Qatserisarneq pillugu ataatsimiittitaliat. Innarluutilit pillugit siunnersuisooqatigiit.

Allaffeqarfimmiit katiterneqarsimapput, toqqaasinnaanerit suut pineqarsinnaasut, ataani takuneqarsinnaasut. Toqqaanerit ataasiakkaat oqaatigineqareersutut inatsisit nalunaarutillu tunngavigalugit nalimmassarneqartarput, taamaattumillu oqaatigineqareersutut piffissami toqqaaffimmi atuutilersarlutik.

Ilaasortamik toqqaaneq amerlanerussuteqarnikkut pissaaq, toqqakkat marluuppata imaluunniit amerlaneruppata kisitsilluni toqqaasoqassaaq. Kisitsisit “/”-mik nalunaarsorneqarsimasut isumaqarput toqqakkat politikerit qassiusut imaluunniit atorfilittat toqqakkat qassiusut

sumiif	Ataats/Rås/Nævn/Bestyrelse	amerla	Ilaasortat nutaat	inatsisit	Ulloq
AAS	Atuisartut sinniisaat	3		Nuna tama.	1. maj
AAS	Qatserisartunut ataatsimiittitaliaq	4		Nuna tama	Massakkut
AAS	Timersortarfimmi siulersuisut	2		Piffik	Massakkut
AAS	Innarluutilinnut siunnersuisooqatigiit	2		Piffik	Massakkut
AAS	Utoqqaat pillugit ataatsimiittit	1			
UMM	Qatserisartunut ataatsimiittitaliaq	3		Nuna tama.	Massakkut
QEQ	Timersortarfimmi siulersuisut	1		Piffik	Massakkut
QEQ	Meeqgerivinni siulersuisut	2		Piffik	Massakkut
QEQ	Klubbemi siulersuisut	1		Piffik	Massakkut
QEQ	Atuisartut sinniisaat	2		Nuna tama	1. maj
QEQ	Qatserisartunut ataatsimiittitaliaq	3		Nuna tama.	Massakkut
QAA	Dundas pillugu suleqatigiissitat	1/1		Piffik	
QAA	Qatserisartunut ataatsimiittitaliaq	3/1		Nuna tama	Massakkut
QAA	Atuisartut sinniisaat	2		Nuna tama	1. maj
QAA	Katersugaasivimmi siulersuisut	2		Piffik	
UPE	Qatserisartunut ataatsimiittitaliaq	1		Nuna tama	Massakkut
UPE	Atuisartut sinniisaat	1		Nuna tama	1. maj
UPE	Katersugaasivimmi siulersuisut	2		Piffik	Massakkut
UPE	Pisortatigut taarsiititsiniartarnermi ataatsimiittitaliaq	2		Piffik	Massakkut
UPE	Inuussutissarsiorneq pill. ataatsi	2/1		Piffik	Massakkut
UPE	Takornariaqarneq pill ataatsimiittitaq	1		Piffik	Massakkut
QAS	Katersugaasivimmi siulersuisut	1		Piffik	Massakkut
QAS	Atuisartut sinniisaat	2		Nuna tama	1. maj
QAS	Timersortarfimmi siulersuisut	2		Piffik	Massakkut
ILU	Atuisartut sinniisaat	1		Nuna tama	1. maj
ILU					

Anigaasatigut kingunissai:

Nalinginnaasumik qulaani pineqartut pillugit akissarsisitsisoqarneq ajorpoq. Qinikkalli pillugit nalunaarutit tunngavigalugit, ataatsimiinnersiutinik imaluunniit suliffimmi annaasaqaatinut taarsiissutinik ataatsimiinnermut isumasioqatigiinnermulluunniit atatillugu tunniussisoqarsinnaavoq.

Inatsisitigut tunngavissat:

Peqatigiiffinni malittarisassat, aalajangersakkat, nuna tamakkerlugu imaluunniit sumiiffinni malittarisassat.

**Inassuteqaat:**Tapiliussaq/ssat:

Soqanngilaq

**Aalajangiussaq:**

**Kommunalbestyrelsep allattoqarfik piumaffigaa ataatsimiittitaliat pisariaqartutut ingerlaqqittus-  
sat ataatsimoortumik takussutissioqqullugit, imaluunniit ataatsimiittitaliat ilaat kattutsinneqas-  
sanersut. Kingorna suliaq qaqeqqinneqassaaq.**

Suliaq nr.	KOM 09-1005	Tapili.nr.	Soqanngilaq	Journal nr.	
Qulequtaq	Sulinngiffeqarnerup taamaatinnerani iseqqinnis. qinnuteqaat, Kristian Jeremiassen.				

Suliamik saqqummiineq:

Kristian Jeremiassen 2208-ip ukiaani ikaarsaariarnermut ataatsimiititaliamit sulinnigiffeqarnissaanut akuerineqarpoq, tunngavilersuutigineqarluni inatsisartuni sulinermi piffissamik annertuumik atuinera, kommunalbestyrelsimi ilaasortatut nutaatut akissussaaffimmut annertuumut sanilliullugu.

Kristian Jeremiassenip maanna kissaatigaa kommunalbestyrelsimut iseqqinnissani, qinnutigineqarluni februaarip aallartinnerani pissasoq, qinnuteqaat januaarip naanerani takkuppoq, Kristianip kissaatigaa piffissami qinnuteqarfimmiit ilaasortanngoqqinnissani. Kisiannili kommune aamma nunap iluani pissutsinut pisortaqarfik isumaqarput, kommunalbestyrelsimi sulinnigiffeqarnerit sulileqqinnerillu taamaallaat kommunalbestyrelsip akuerisinnaagai.

Kommunalbestyrelsimi sulileqqinniarluni qinnuteqarneq tunngavilersorneqarsimanngilaq.

Inassuteqaat:

**Kommunalbestyrelse qinnuigineqarpoq nalileqqullugu Kristian Jeremiassenip kommunalbestyrelsimi sulileqqinnissamut qinnuteqaataa akuerineqarsinnaanersoq. Taamaattoqassappat Jens Emanuelsen ilaasortatut tunuassaaq, piffissami matumani qinersinermi allattuiffiit malillugit sinniisussatut issiagami.**

Tapiliussaq/ssat:

Soqanngilaq

Aalajangiussaq:

**Iseqqinnissamik qinnuteqaat akuerineqarpoq.**

<b>Suliaq nr.</b>	<b>KOM 09-1006</b>	<b>Tapili.nr.</b>	<b>004</b>	<b>Journal nr.</b>	
<b>Qulequtaq</b>	<b>Karsimut naatsorsueriaatsimullu maleruaqqusap akuerineqarnera, tapiliussat akuerineqarnissaannut pisinnaatitsissut.</b>				

**Suliamik saqqummiineq:**

Kommunalbestyrelse 2008-mi karsimut naatsorsuutinullu malittarisassiaagallartumik aalajangiivoq, taassuma 2008-mut naatsorsuutit kiisalu 2009-mut naatsorsuutissat eqqartumik ingerlanneqarnissat qulakkeertussaallugu, tassungalu atasumik naatsorsuutitut allattuiffinnut sillimaniarneq pillugu. Ilanngullugulu aalajangiunneqarpoq piffissaq qaninnerpaaq atorlugu siumut isigisumik malittarisassiornissaq suliarineqassasoq.

Allaffeqarfimmiit karseqarneq naatsorsuuteqarnerlu pillugit maleruaqqusassat suliarineqarsimasut ilanngunneqarput. Pigineqareersut kiisalu politikikkut aaqquissuussaneq nutaaq, aammalu kontonut pilersaarutit piginnaatitsisut nutaat tunngavigalugit suliarineqarsimasut.

Oqaatigineqassaaq, malittarisassiat suliarineqarsimammata tamakkiisumik immikkoortumi kommunimi pissuseqarnerup aqunneqarnissaa tunngavigalugu. Isumaqatigiissutit tunngavigalugit aqutsinissaq aalajangiunneqarsimammata, avataanillu piginnaasat naammassineqartarnissaat tunngavigalugit malittarisassanut ilanngunneqartussanik arlalinnik suliarinnittoqassaaq. Naatsorsuutigineqarpoq tamakku allaffis-sornikkut akuerineqarnissaat, ataatsimiititalianut pineqartunut aningaasaqarnermullu ataatsimiititaliamut ilisimatitsissutigineqassallutik.

**Inassuteqaat:**

**Kommunalbestyrelse qinnuigineqarpoq, malittarisassiat akuersissutigeqqullugit, ilanngullugulu allaffeqarfik pisinnaatinneqassasoq ilanngussassat pisariaqartut iluatsittumik suliarinissaanut.**

**Tapiliussaq/ssat:**

1. Maleruaqqusaq.

**Aalajangiussaq:**

**Inassuteqaat akuerineqarpoq.**

<b>Suliaq nr.</b>	<b>KOM 09-1007</b>	<b>Tapili.nr.</b>	<b>Ingen</b>	<b>Journal nr.</b>	
<b>Qulequtaq</b>	<b>Ilaasortat oqarasuaateqartitaanerat internet-teqartitaanerallu.</b>				

### Suliamik saqqummiineq:

Aningaasaqarnermut ataatsimiititaliap 23. januaari 2009-mi siullermeerluni ataatsimiinnerani immikkoortoq 09-002 oqaluuserineqarpoq, ataatsimiititaliani siulittaasut mobileqarneranni akiliunneqartarnissaannut aaqqiinissamut siunnersuut. Immikkoortoq kommunalbestyrelsimi ilaasortat mobileqarneranni internettimullu attaveqarneranni aningaasartuutit naatsorsorneqarnissaannut naatsorsuinissamut kinguartinneqarpoq. Matuma ataani telemit akigitinneqartut allattorsimapput, tassami allaffimmiut ilaasortat atuinerannut aningaasartuutaasinnaasut pissutissaqavissumik naatsorsorneqarsinnaanngitsut / missingerneqarsinnaanngitsut maluginiaqqummassuk.

Tamatuma saniatigut allaffimmiut siusinnerusukkut qinikkat mobilinik internettimillu atuisinnaanerisa akileraartarnikkut kingunissaat pillugit Akileraartarnermut aqutsisoqarfik apeqquilliissuteqarfisimavaat. Akileraartarnermut aqutsisoqarfimmit SDI-kkut nalunaarutit nr. 365 aamma 363 aamma SDI-kkut ilisimatitsissut nr. 11 innersuussutigalugit mobilinik internettimillu atuinernut akiliunneqartarni akileraartarnikkut kingunerisassat imaapput; kommunimi kommunalbestyrelsimi ilaasortat tamakkuninnga atuisinnaanerisa annertussusaat kommunimit sulisitsisutut sulinerimi sakkussatut atugassanngortinneqartutut isigineqarput. Piumasaqaatit arlallit eqqarsaatigalugit tamakku atuisunut akileraarutaasussaataasussaannngillat: Atuisoq akileraartussaataasannngippat aaqqiinermut tunngatillugu atuneq suliap suliarineqarneranut attuumassuteqarnissaa piumasaqaataasaaq, tassa imaappoq namminerisarsorluni atorneqassanngitsoq atuisoqassappallu atuneq annertuujussanngitsoq. Tassa kommune sulisitsisutut atuinerit annertussusaannik nakkutilliisussaataavoq, tassa imaappoq atuinerit naammaginaruunersut aammalu kommunalbestyrelsimi ilaasortat ilisimassavaat atuinerit ingerlaavartumik misissorneqartassasut, soorlutaaq piumasaqaateqartoqarneratigut kommunalbestyrelsimi ilaasortat atuinermik sulinerimut attuumassuteqarnerat uppersartassagaat. Atuinert naammaginarumit qaangiisimasorineqarpata tamakku akileraarutaasussatut Akileraartarnermut aqutsisoqarfimmut nalunaarutigineqassapput, tamatumalu kingorna ilaasortap nalunaarutigineqartup sulinerimut tunngatillugu aningaasartuutit ilanngaataasussaataasut amerlassusaat nammineerluni Akileraartarnermut aqutsisoqarfimmut uppersaasersussavai. Taamaalluni nunanut allanut Danmarkimulluunniit sianernerit aallaavittut tamatigut nassuiaatissartaqartariaqartassapput, soorlutaaq internettimik annertuumik atuinerit taamaattussaasut. Annertunngitsumilli namminerisarsorluni atuinerit akileraaruserneqartassanngillat. Kommunalbestyrelsimut ilaasortat atortut tigusatik kommunip pigigai uppersarlugit atsiussapput.

Tele Greenlandip nittartagaa naapertorlugu ADSL-ersilluni internettimut attavilertinnermut akit imaapput:

Aaqqiinernik tamanik attavilersinnerit: kr. 500. Taamaattorli 31. marsi tikillugu attavilersinneq atuisutullu allannuineq taamaallaat 99 koruuneqarpoq. Tamatuma saniatigut atuinernut aaqqiinert makkuupput: ADSL Basic: Akeqanngilaq, kisianni MB-imut 042, koruuneqarpoq. ADSL Silver: Atuinermut kr. 75 kiisalu MB-imut kr. 0,42. Attaveqaat Basic-imit marloriaammik sukkanerusoq paasissutissiissutigineqarpoq. ADSL Gold: Atuinermut kr. 595, 2 GB trafik ilanngullugu, tamatuma saniatigut MB-imut kr. 0,42. Attaveqaat taanna Silverimit marloriaammik sukkanerusoq paasissutissiissutigineqarpoq.

Allaffimmiunit kommunalbestyrelsip nammineerluni qulaani akikillisaaneq malillugu nutaamik attavilertsinnernut aningaasartuutit akuersissutigissagai siunnersuutigineqarpoq, tassa imaappoq kr. 99,-, ilaasortat ataasiakkaat allatut akilerlugu ADSL-imut attavilertereersimani apeqquataatinngit.

Tassunga ikkuffimmik NTP-mik ikkussinermut aningaasartuutaasinnaasut ilanngunneqassapput.

Tele Greenland naapertorlugu mobileqarneq imatut akeqarpoq: Attavilersinneq kr. 500, aamma qaammammut kr. 75. Atuinernut akit <http://www.tele.gl/dk/Mobil/Priser/index.htm> mi takuneqarsinnaapput.

Aningaasatigut kingunerisassat:

Qinikkat oqarasuaatinik internettimillu atuinerannut immikkut ittumik missingersuusiortoqarsimangilaq. Tamatumani kommunip aningaasartuutai konto 11-mit akilerneqartarput. Siunnersuut akuerineqassagualarpat missingersuutit 2009-p ingerlanerani nalimmassarneqassapput, atuinerit missingersuutinit aningaasanit immikkoortinneqareersimasunit akilerneqarsinnaanngitsut paasineqarpat.

Inassuteqaat:

**Kommunalbestyrelse qinnuigineqarpoq ilaasortat akeqanngitsumik oqarasuaateqartinneqassanersut aamma internetteqartimut attaveqartinneqassanersut aalajangiiffigeqqullugu.**

Tapiliussaq/ssat:

Soqanngilaq.

Aalajangiussaq:

**Taasinerit 13-it isumaqataasut 5-t akerliusut, aalajangiussaq imaappoq:**

**Kommunalbestyrelsep aalajangerpaa internet-imut immikkut atassusiisoqassasoq ilaasortanut tamanut. Periuseq ADSL Basic atorneqassooq.**

**Ataatsimiittitaliani siulittaasut oqarasuaateqartinneqassapput nutaanillu normulerlugit.**

**Ilaasortat sinnerit 16-t oqarasuaatikkut atuinerminnit utertitsinnaassapput maleruaqqusat atuuttut naapertorlugit.**

**Kommunalbestyrelsep kissaatigaa IT-p atortarneranut ilaasortat pikkorissartinneqarnissaat.**

<b>Suliaq nr.</b>	<b>KOM 09-1008</b>	<b>Tapili.nr.</b>	<b>005</b>	<b>Journal nr.</b>	
<b>Qulequtaq</b>	<b>Qaasuitsup Kommuniani bussinik ingerlatsinermut maleruaqqusap akuerineqarne- ra.</b>				

Suliamik saqqummiineq:

Qaasuitsup Kommuniani illoqarfinit arfineq-pingasusuunit illoqarfiit sisamaannaat atuuttunik ileq-qoreqqusaateqarput (politiit pillugit nalunaarut), taannalu bussinik angallanneq pillugu aalajangersaanernut tunngavoq. Illoqarfiilli sisamat taakku arlaannaalluunniit busiutileqatigiiffiuteqaratillu bussinik angallassisunik peqanngillat, massa Ilulissat illoqarfiani busiutileqatigiiffinnik unammillertunik marlunnik peqartoq, taamaattorli bussit pillugit ileqqoreqqusanik atuuttunik peqaratik. Tamanna ilutigalugu Aasianni bussinik, immaqalu aamma Qeqertarsuarmi, angallassisoqartalernissaa naatsorsuutigineqarmat allaffimmiut isumaqarput Qaasuitsup Kommunianut tamarmut atuuttunik ataatsimoortumik nutaanik ileqqoreqqusaliortoqarnissaa tulluartaussasoq.

Oqaatsitigut aaqqissuisoqarnikkullu naleqqussaanerit ataasiakkaat saniatigut siunnersuut imarisamigut nunatsinni tamarmi bussinik angallassisarnerit pillugit politiit pillugit nalunaarummut atuuttumut naapertuuppoq.

Politiit pillugit nalunaarut Kalaallit Nunaanni aqqusinertigut angallannermut inatsimmi, naalagaaffik tamakkerlugu inatsit, tunngavissaqarmat inaarutaasumik akuersissuteqarneq Kalaallit Nunaanni Politimestereqarfimmit atuutsitsilernissaq piumasaqaataassaaq.

Qaasuitsup Kommuniani bussinik angallassisarneq pillugu politiit pillugit nalunaarutissatut allaffimmiu- nit siunnersuusiarineqartoq Ilulissat illoqarfiani busiutileqatigiiffinnut maluusunut tusarniaassutigalugu 20. januaari 2009-mi nassiuqqarpoq: Ilulissat Buusi/v. Tom Ostermann aamma uunga By Bussen/v. Chris Nicolaisen. Pikkorissarneq pissutigalugu Tom Ostermannip akissuteqarnissamut killissarititaasup tusarniaanermut akissutissiornissaq siunertaralugu kinguartinneqarnissaa noqqaassutigaa, tamannalu akuerineqarpoq. Akissuteqarnissamut killissarititaasup taassuma qaangiunnerani Ilulissat Bussi/v. Tom Ostermannimit taamaallat assakaasunik quasartorsiutinik siunnersuummi atuinissamik piumasaqaat pillugu oqaaseqaammik tigusisoqartoqarpoq (ataani siunnersuut takuuk), kiisalu tusarniaanermut akinis- samut killissarititaasup ullunik sisamanik sivitsorneqarnissaanik noqqaassut. Oqaaseqaatinilli allanik tigusaqartoqanngilaq.

Assakaasunik quasartorsiutinik atuinissamut piumasaqaammut tunngatillugu: Ilulissat Bussi/v. Tom Ostermannimit tunngavilersuutigineqarpoq atortut pillugit nalunaarummi atuuttumi, Kalaallit Nunaanni qamutit motorillit aaqqissuunneqartarnerat atortulersorneqartarnerallu pillugu nalunaarut nr. 141, 27. marsi 1979-imeersumi assakaasut quasartorsiutit atorneqarsinnaasut taamaallaat aalajangersarneqarpoq, tassa pinngitsoorani atorneqassasut aalajangersagaanani.

*Allaffimmit oqaaseqaatit:*

Atortut pillugit nalunaarummi assakaasut quasartorsiutit akorneqarnissaat piumasaqaataanngitsoq in- gerlatsivimmiut isumaqataaffigaat. Maannakkut quasattumi assakaasunik quasartorsiutinik siunnersuummi matumani atuinissamut piumasaqaat qamutit motorillit assakaasunik quasartorsiutinik kalun-nernilluunniit atuinissamik piumasaqaateqartoqarsinnaanngitsoq allannortinngilaa, kisiannili Qaasu-itsup Kommuniani bussinik angallassisarnissamut kommunalbestyrelsimit akuersissummik pissarsinaraanni, ilaasut isumannaallisaaffigineqarnissaat eqqarsaatigalugu, quasattumi assakaasunik quasartorsiutinik kalunnernilluunniit atuinissaq piumasaqaataavoq. Piumasaqaat tamanna oqaatigineqareersutut qamutinut motorilinnut nalinginnaasumik piumasaqaatinik allannortitsinngilaq,

kisianni ilaasoqarluni bussinik angallassisinnaanermut piumasaqaatit taakku naammassineqarsimasariaqarput. Taamaalilluni busi quasattumi assakaasunik quasartorsiutinik kalunnernilluunniit atuinngitsoq nalinginnaasumik inunnik angallissinermut atorneqarsinnaasoq kisiannili ilaasut akiliisillugit angallassisinnaanani. Ilaasut isumannaallisaaffigineqarnissaat eqqarsaatigalugu piumasaqaatip atuutsiinnarnissaa ingerlatsivimmit inassuteqaatigineqarpoq, oqaatigineqassaarlu Kalaallit Nunaanni bussinik angallassisarneq pillugu politiit pillugit nalunaarutini allani tamani atuuttuni piumasaqaat assigiissoq takuneqarsinnaasoq.

Aningaasatigut kingunerisassat:

Akuersissutinik qinnuteqaateqarnerni suliassanik sularinnittarnerni sulisut aamma akuersissutini tunniunneqartuni piumasaqaatit naammassineqarnerannik ingerlaavartumik nakkutilliinerup saniatigut ileqqoreqqusat akuersissutigineqarneranni aningaasartuuteqartoqarnissaa ilimagineqanngilaq.

Illoqarfinni bussinik angallassinissanut akuersissuteqarnermi, bussit unittarfiini ingerlaarfissatullu akuerineqartuni allagartarsuarnik ikkussiffiusimanningsuni tamakkunanga ikkussuinerne aningaasartuuteqartoqarnissaa naatsorsuutigineqartariaqarpoq.

Kingunerisassat allat:

Siunnersuutip akuersissutigineqarnerata atuutsilerneqarneratalu kingunerisaanik Aasianni, Qeqertarsuarmi, Qasigianniguanu Uummannamilu politiit pillugit nalunaarut atuuttoq atorunnaarsinneqarpoq, siunnersuummi § 10, imm. 2 takuuk.

Inatsisitigut tungavissaq:

Kalaallit Nunaanni aqqusinertigut angallannermut inatsit nr. 832, 18. decembari 1991-imeersoq (kingusinnerusukkut allannguutitalik).

Inassuteqaat:

**Kommunalbestyrelse qinnuigineqarpoq bussinik angallassinermut ileqqoreqqusaq akuereqqullugu.**

Tapiliussaq/ssat:

1. Qaasuitsup Kommunian-ni bussinik ingerlatsinermut Politiit nalunaarutaat.

**Aalajangiussaq:**

**Kommunalbestyrelsep suliaq Sanaartornermut Avatangiisinullu Ataatsimiittitaliamut oqaaseqarfigisussanngortillugu nassiutissuaa.**

<b>Suliaq nr.</b>	<b>KOM 09-1009</b>	<b>Tapili.nr.</b>	<b>Ingen</b>	<b>Journal nr.</b>	
<b>Qulequtaq</b>	<b>Nunaqarfinni aqutsisunut pisinnaatitsineq, allaffiit nunaqarfinni ammasarfii.</b>				

**Suliamik saqqummiineq:**

Kommunalbestyrelsip 2008-mi novembarimi illoqarfiit arfineq-pingasut allaffiinut nunaqarfiillu 32-t allaffiinut ataatsimut kaajallaasitaq akuersissutigaa. Kaajallaasitami ulluinnarni tallimaasuni ammasarfiit assigiillutik nal. 9.00-imiit 15.00-ip tungaanut atuutissasut aalajangersarneqarpoq.

Ammasarfiit tamakku sulisut ulluinnarni suliassaminnik naammassinnissaannut ajornakusoortitsissasut aammalu nal. 15.00-ip tungaanut ammasarnissamik piumasaqaatip Pilersuisumi aningaasanik nussuisarnissanut aporaattoraqatarsinnaanera nunaqarfinnit arlalinnit uparuarneqarpoq. Aammattaaq ammasarfiit nunaqarfinni sullissinernik nakkutilliinissamut ajornakusoortitsisinnaasut tunngavilersuutigineqarpoq.

**Allaffimmit oqaaseqaatit:**

Allaffiit pillugit kaajallaasitamik akuersinissaq sulisunut tamanut assigiinnik malittarisassanik aalajangersaanissamut pisariaqarsimavoq, tassunga ilanngullugu allaffinni tamani ammasarfiit assigiissaarneqarnissaannut. Tamanna tunngavigalugu tunngavilersuutigineqartunut saqqummiunneqartunut allaffimmit isumaqartoqarpoq tamakku nunaqarfinni aqutsisut ammasarfinnut tunngatillugu nunaqarfinni pissutsinut naleqqussarlugit namminneq aalajangiisnaatitaasariaqartut.

**Inassuteqaat:**

**Kommunalbestyrelse qinnuigineqarpoq nunaqarfinni allaffinni ammasarfiit nunaqarfinni aqutsisunit aalajangiiffigineqarsinnaatitaanissaat akuereqqullugit.**

**Tapiliussaq/ssat:**

Soqanngilaq

**Aalajangiussaq:**

**Inassutigineqarneratut akuerineqarpoq, suleqatigiinnermut ataatsimiittitaliatut susassaqartut tusarfnaaffigisinnarlugit.**

<b>Suliaq nr.</b>	<b>KOM 09-1010</b>	<b>Tapili.nr.</b>	<b>006</b>	<b>Journal nr.</b>	
<b>Qulequtaq</b>	<b>Illoqarfittut ikinngutigisat suleqatigiinnarnissaannik inassuteqaat.</b>				

Suliamik saqqummiineq:

Immikkoortoq ataatsimiinnissamut tullermut kinguartinneqarpoq.

**Aalajangiussaq:**

**Soqanngilaq, immikkoortoq kinguartinneqarpoq. Oqallisissiamik nutaamik suliaqartoqassooq kommunerujussuannqortup nutaap piumasaanik kissaataanillu aallaaveqartussamik.**

<b>Suliaq nr.</b>	<b>KOM 09-1011</b>	<b>Tapili.nr.</b>	<b>Ingen</b>	<b>Journal nr.</b>	
<b>Qulequtaq</b>	<b>Qaasuitsup Kommuniata ilisarnaataanut ilusi. atuisinnaanermut toqqammavissat.</b>				

**Suliamik saqqummiineq:**

Qaasuitsup Kommuniata kommunitut ilisarnaataa eqqumiitsuliortumit Kristian Flymit Ilulissaneersumit ilusilersorneqarpoq. Ilisarnaammi pingarneq tassaavoq qimusseq arfineq-pingasunik qimuttulik, taak-kulu illoqarfinnut arfineq-pingasusunut siornatigullu kommuniusimasunut maannakkut sammivimmuut ataatsimut ingerlasunut ilisarnaataavoq. Ilisarnaammi qilak Qaasuitsup Kommuniani silap pissusaanut ilisarnaataavoq: Arsarnerit, aput, aasakkut seqineq tarrissaartartoq aamma ukiukkut kaperlattarnera.

Kommunip ilisarnaataa Qaasuitsup Kommuniata ilisarnaatigaa. Kommunip ilisarnaataa atorneqartillugu Qaasuitsup Kommuniata “peqataaneranut” takussutissaavoq. Taamaattumik kommunip ilisarnaataa siunertanut kommunimut tunngassuteqanngitsunut atorneqartassanngilaq.

Kommunit aqunneqarnerat pillugu Inatsisartut inatsisaanni nr. 14, 15. decembari 2008-meersumi § 2-mi imatut allassimavoq: *”Kommunip ilisarnaataa kommunimi pineqartumi oqartussaasut kisimik atugassaraat. Taamaattoq ilisarnaatip atorneqarnissaanut qinnuteqartoqartillugu pinerit tamaasa kommunalbestyrelsi akuersisinnaavoq. Ilisarnaatip aningaasarsiutitut atorneqarnissaanik akuersineq akileraaruteqarnissamik piumasaqaatitaqarsinnaavoq.”*

Ilisarnaat nioqqutissap ilisarnaatigaa illersugaasoq aammalu Qaasuitsup Kommunianit taamaallaat atorneqartussaavoq. Nalinginnaasumik atuiffissanut kommunip ilisarnaataata atorneqarnissaanut immikkut ittumik akuersissuteqartoqartassanngilaq, assersuutigalugu kommunip allagassiaataanut, tamanut saqqummersitanut, bilinut, sanaartukkanut, pequtinut il.il., tamatumani atuneq avammut sammitillugu kommunimut tunngassuteqartoqarsippat.

Qaasuitsulli Kommuniani allatseqarfimmit immikkut ittumik pisoqartillugu kommunip ilisarnaataata atorneqarnissaanut akuersissuteqartoqarsinnaavoq. Assersuutigalugu pisuni aaqqissuussinerniluunniit Qaasuitsup Kommuniata aningaasatigut tapersersugaani imaluunniit allatut peqataaffigisaani.

Taamaattumik illoqarfiup ilisarnaataanik kommunimut ilisarnaatitut pisortatigoortumik nalinginnaasumik atuinermut akerliunngitsumik kommunip ilisarnaataanik atuinissamut akuersissuteqartoqarsinnaavoq. Iluanaarniarnermik siunertaqartunut imaluunniit namminersorlutik peqatigiiffinnut assigisaannullu kommunip ilisarnaataanik atuinissamut akuersissuteqartoqassanngilaq.

Matuma kingorna qinnuteqaateqartunut oqaaseqatigiit tullinnguuttut makku atorneqartassapput:

Qinnuteqaatinni ilisarnaat sooq atorusunnerlugu tunngavilersussavat aamma sumut atorneqarnissaa allaaserissavat, assersuutigalugu atuagassiaaqanun, plakatinut, quppersakkanut assigisaannulluunniit. Ilisarnaammik atuneq kommunimut oqartussanut attuumassuteqanngitsuusoq kikkunnilluunniit ersarissumik takuneqarsinnaasariaqarpoq.

Ilisarnaammik atuinissamut akuerineqaruit akuersissut elektroniskimik (qarasaasiakkut) filinngorlugu ilinnut nassiunneqassaaq. Fili siunertamut akuersissuteqarfigineqartumut taamaallaat atorneqassaaq atuererermilu nunguterneqassalluni, uteqqiattumik isumaqatigiissut pineqanngippat. Akuersissutaatit atuinissap qanoq sivistiginissaanik paasissutissartaqassaaq. Qaasuitsup Kommuniata

akuersissuteqarnissamut iluarsiinissap nassiunneqarnissaa piumasarisinnaavaa, tassani allassimassaaq illoqarfimmut ilisarnaat qanoq atorneqassanersoq.

Kommunalbestyrelse sullinneqarnermut akiliummik aalajangersaassaaq, ataasiaannarluni akiliutitut imaluunniit piffissap ilaani akiliutitut, kommunip ilisarnaataata akuersissuteqarfigineqarnera qanoq isikkoqarnerseq apeqqutaatillugu. Akuersissummi piumasaqaatit suut sullinneqarnermut akiliutinut tunngavilersuutigineqarnersut allassimassaaq.

**Inassuteqaat:**

**Kommunalbestyrelse qinnuigineqarpoq kommunip ilisarnaataanik atuinermut malittarisassanik akuersissuteqaqqullugu.**

**Kommunalbestyrelse qinnuigineqarpoq kommunip ilisarnaataanik atuinermi sullinneqarnermi akiliutinik akileeqqusisoqartassanersoq aalajangiiffigeqqullugu, tassunga ilanngullugu akiliutit amerlassusissaannut.**

Tapiliussaq/ssat:

Soqanngilag

**Aalajangiussaq:**

**Kommunalbestyrelsep kissaatigaa kommuneqarfiusimasut kommunep ilisarnaataanut atuisarnermut periusersimasaanik misissuisoqassasoq, taamaasilluni ataatsimoortumik ilisarnaatip atortarnissaanut toqqammavilersuutissanik aalajangersaasoqassammat.**

<b>Suliaq nr.</b>	<b>KOM 09-1012</b>	<b>Tapili.nr.</b>	<b>008</b>	<b>Journal nr.</b>	
<b>Qulequtaq</b>	<b>Imigassaarniarsinnaanermut qinnuteqaat, Butik Nivi, Ilulissat.</b>				

**Suliamik saqqummiineq:**

AG nr. 1 Aps. Suliffeqarfik Arctic Import A/S-imut atasoq, akuersisummik qinnuteqarpoq, type A pisi-niarfik Nivi, Ilulissat. Qinnuteqaat pissuteqarpoq suliffeqarfiup pisiniarfimmik tigusineranik.

Qinnuteqaat oqaaseqaatitaqanngilaq.

**Inatsisitigut toqqammavilersuutit:**

Inatsit nr. 11/2000 kingusinnerusukkut ilaliussat ilanngullugit.

**Inassuteqaat:**

**Kommunalbestyrelse qinnuvigineqarpoq qinnuteqaat akuereqqullugu.**

**Tapiliussaq/ssat:**

1. Qinnuteqaat.

**Aalajangiussaq:****Inassutigineqarneratut akuerineqarpoq.**

<b>Suliaq nr.</b>	<b>KOM 09-1013</b>	<b>Tapili.nr.</b>	<b>009</b>	<b>Journal nr.</b>	
<b>Qulequtaq</b>	<b>Imigassaarniarsinnaanermut qinnuteqaat, Butik Jope, Ilulissat.</b>				

**Suliamik saqqummiineq:**

AG nr. 1 Aps. Suliffeqarfik Arctic Import A/S-imut atasoq, akuersisummik qinnuteqarpoq, type A pisi-niarfik Jope, Ilulissat. Qinnuteqaat pissuteqarpoq suliffeqarfiup pisiniarfimmik tigusineranik.

Qinnuteqaat oqaaseqaatitaqanngilaq.

**Inatsisitigut toqqammavilersuutit:**

Inatsit nr. 11/2000 kingusinnerusukkut ilaliussat ilanngullugit.

**Inassuteqaat:**

**Kommunalbestyrelse qinnuvigineqarpoq qinnuteqaat akuereqqullugu.**

**Tapiliussaq/ssat:**

2. Qinnuteqaat.

**Aalajangiussaq:****Inassutigineqarneratut akuerineqarpoq.**

<b>Suliaq nr.</b>	<b>KOM 09-1014</b>	<b>Tapili.nr.</b>	<b>010</b>	<b>Journal nr.</b>	
<b>Qulequtaq</b>	<b>Imigassaarniarsinnaanermut qinnuteqaat, Niisi Cafe, Uumannaq.</b>				

**Suliamik saqqummiineq:**

Nukannuaq Jensen imigassaarniarsinnaanermut akuersissummik qinnuteqarpoq, type B, imigassanik kimittuunik kimikitsunillu sassaallersinnaanermik, café-mut attartukkamut, Niisi, Uumannaq.

Imigassallersinnaanermik akuersissummut oqaaseqaateqanngilaq, akerliussulli tiguneqarsimavoq, kommune B-5-mimi café-mik pilersitsineranut. Taanna aningaasaqarnermut ataatsimiittitaliamit suliarineqassooq paasissutissat tamakkersimaleriarpata.

**Inatsisitigut toqqammavilersuutit:**

Inatsit nr. 11/2000 kingusinnerusukkut ilaliussat ilanngullugit.

**Inassuteqaat:**

**Kommunalbestyrelse qinnuvigineqarpoq qinnuteqaat akuereqqullugu..**

**Tapiliussaq/ssat:**

1. Ansøgning.

**Aalajangiussaq:**

**Kommunalbestyrelsep aalajangerpaa akuersissutitut tunniussaangallarsimasup utertinneqarnis-saa eqqornerusumik qinnuteqartoqarnissaata tungaanut.**

**Unammilleqatigiinnermut oqartussaasut oqaaseqaataat utaqqineqassaaq, suliamut atatillugu maalaaruteqarsimaneq pissutaalluni.**

<b>Suliaq nr.</b>	<b>KOM 09-1015</b>	<b>Tapili.nr.</b>	<b>011</b>	<b>Journal nr.</b>	
<b>Qulequtaq</b>	<b>Qaanaaq komite-mut ilaasortassani toqqaaneq.</b>				

Suliamik saqqummiineq:

Qaanaaq komite, naalackersuisunit 2007-mi Qaanaap kommunea suleqatigalugu pilersitaasoq, suliap qiteqqunnerani nalunaarusiani tunniussimavaa, taanna tapiliussaavoq, kiisalu siunissami suliniutigine-qartussanut kajumissaarutit. Aammattaaq iliuusissatut pilersaarussiaq tapiliunneqarpoq, meeqqat inuusuttuaqqallu isiginiarnerullugit.

Naalackersuisuni ilaasortap komitep suliaasa manna tikillugu pitsaasumik kigunerisimasai taakkartor-pai, annermik pinerlunniartarnerit imigassamillu katsorsartinnerit annikillisaavigineqarneri.

Naalackersuisunissaq ilaasortap kommunalbestyrelse qinnuvigaa, nalunaaruteqaqqullugu komitép ingerlaqqinnissaa suli kissaatiginerlugu taassuma 2009-mi suliniarnini nanginneratigut. Taamaattoqas-sappat kommunalbestyrelse qinnuvigineqarpoq komitémut ilaasortassanik marlunnik toqqaqqullugu.

### **Inassuteqaat:**

**Kommunalbestyrelse qinnuvigineqarpoq aalajangeeqqullugu, naalackersuisut kissaataattut ko-mitép atuunnera ingerlateqqinneqassanersoq. Akuersaartoqassappat kommunalbestyrelse komi-tép ilaasortassanik marlunnik toqqaassaaq.**

Tapiliusaaq/ssat:

1. Iliuusissatut pilersaarutit.
2. Naalackersuisumit allakkat..
3. Naliliineq, ukiup affaanoortumik nalunaarusiaq.

### **Aalajangiussaq:**

**Taasinerit 16-it isumaqataasut, 2-t taasinngitsut, Jens Danielsen komité-mi Siumumiit toqqarne-qarpoq.**

**Taasinerit 14-t isumaqataasut, 5-t akerliusut, Bendt B. Kristiansen IA’p sinniisaatut toqqarneqarpoq.**

**Taasinerit 11-t akerliusut, 3-t taasinngitsut, 5-t isumaqataasut, Ane Lone Bagger-ip Demokratiniit itigartitaavoq.**

<b>Suliaq nr.</b>	<b>KOM 09-1016</b>	<b>Tapili.nr.</b>	<b>012</b>	<b>Journal nr.</b>	
<b>Qulequtaq</b>	<b>Thulefonden-ip ileqqoreqqusaasa akuerineqarneri, siulersuisussani toqqaaneq.</b>				

Suliamik saqqummiineq:

Kommuneqarfiit kattussuunnerannut atatillugu pisariaqalersimavoq Thulefoonden-ip ileqqoreqqusaasa naleqqussarnissaat, taamaasillutik pissusissaatut naleqquttuulersinneqarlutik. Siunnersuut nutaaq tapiliussatut ilanngunneqarpoq. Ileqqoreqqusat nutaat saniatigut, aningaasaateqarfimmut siulersuisunik nutaanik toqqaasoqassooq.

Siuliani siulersuisuusimasut tassaasimapput Qaanaami kommunalbestyrelse, kommunaldirektøri aggersakkatut inissinneqarluni. Aningaasaateqarfiup siunertarimmagu Qaanaami ineriartortitsinissaq, siulersuisut nutaat ilaasortaartariaqarput sumiiffimmut, tamaanilu pisariaqartitaasutigut annertuumik ilisimannittunik. Inassutigineqassaaq siulersuisut amerlassusaat amerlanerpaamik 5-nut appartinneqassasoq 4-t Qaanaameersutut sumiiffimmulluunniit attuumassuteqarlutik ilisimaarinnittunut, ilaasortaasussarlu kingulleq allaffissornikkut atorfeqartuusariaqarpoq, aningaasaqarnikkut inuussutissarsiutitigullu ineriartortitsisinnaanermik naliginnaasumik siunnersuisinnaasoq, taassumunnga ilaatinneqarluni nuna tamakerlugu nunallu immikkoortuani inuussutissarsiornikkut takornariaqarnikkullu suliffeqarfinnik pisariaqartutigut suleqateqarsinnaaneq.

Ileqqoreqqusat naleqqussarneqassapput kommunalbestyrelsemi aalajangiussaq apeqquataatillugu.

**Inassuteqaat:**

**Kommunalbestyrelse qinnuvigineqarpoq Thulefonden-imi ilaasortassat tallimat toqqaqullugit.**

Tapiliussaq/ssat:

1. Ileqqoreqqusatut siunnersuutit.

**Aalajangiussaq:**

**Kommunalbestyrelsep aalajangerpaa naalakkersuisut ileqqoreqqusatut siunnersuusiamut nutaamut oqaaseqaataat utaqeqqaarniarlugu. Suliaq qaqeqqinneqassooq akissutissat tiguneqarpata.**

<b>Suliaq nr.</b>	<b>KOM 09-1017</b>	<b>Tapili.nr.</b>	<b>Soqanngilaq</b>	<b>Journal nr.</b>	
<b>Qulequtaq</b>	<b>Qinersinermut ataatsimiittitaliap ilaasortaanik toqqaaneq.</b>				

**Suliamik saqqummiineq:**

Kommunalbestyrelsemut nunaqarfinnilu aqutsisunut qinersisarnermut inatsisit naapertorlugit, kommunalbestyrelse qinersinermi ataatsimiittitaliamik toqqaasussaavoq, taassuma qinersinissat piareersaasi-orfigalugillu ingerlanneqarneri isumagisassavaat. Ataatsimiittitaliami borgmesteri inunnguuseralugu ilaasortaavoq, taassuma saniatigut kommunalbestyrelsemi ilaasortat 2-t ilaasortaassapput. Qinersisarnermi siulersuisunut sinniisussanik toqqaasoqarsinnaavoq.

Borgmesteri peqartinnagu qinersinermi siulersuisut akunnerminni siulittaasussarsiuassapput.

Qinersinermut ataatsimiittitaliap suliaassaa siulleq tassaavoq 28.aprilimi nunaqarfinni aqutsisunut qinersinerup ingerlanneqarnissaa. Allaffissornikkut suliaasanut piareersartoqalereerpoq, qinersivissat suliarineqalerput atortussallu nunaqarfinnut tamanut nassiussuunneqarput, qinersinermilu aqutsisussat toqqartorneqareerput. Isumaqatigiissutaasimavoq illoqarfiit arfineq-pingasuusut inunnt allattorsimaffii qinersinerup ulluani ammatinneqassasut, illoqarfinnilu allatseqarfiit inuttalersugaassasut ikiuussinnaatilugit. Qinersinerup inernerinik nalunaarnerit misissuinerillu Ilulissani allatseqarfimmiit ingerlanneqassapput, taamaattumik qinersinermut ataatsimiittitaliap ilaasortai qinersiviup ulluani illoqarfimmi najuutissapput, inerniliussanut akuersissallutik allatigulluunniit aalajangersaassallutik.

**Inassuteqaat:**

**Kommunalbestyrelse qinnuvigineqarpoq ikinnerpaamik ilaasortassanik, immaqalu sinniisussanik qinersinermut ataatsimiittitaliamut toqqaaqqullugu.**

**Tapiliussaq/ssat:**

Soqanngilaq

**Aalajangiussaq:****Immikkoortoq taamaatinneqarpoq aalajangiineq november 2008 pereersimammat.**

Suliaq nr.	KOM 09-1018	Tapili.nr.	Soqanngilaq	Journal nr.
Qulequtaq	Takkuttannginnermi ajunngitsorsianik utertitsisarnissaq.			

**Suliamik saqqummiineq:**

Inuit Ataqtigiit apeqquteqaatigaat malittarisassanut tunngasut aammalu periarfissaqarnerisulittaasut akissarsianik utertitillutik akiliisinneqarsinnaanersut. Tamatumunnga tunngaviuvoq, Qaasuitsup Kommuniani ikaarsaariarnermut ataatsimiititaliai ataatsimiititaliaasimasuni arfineq pingasut pilersissimmammat, taakkunanilu aningaasaqarnermut ataatsimiititaliaq kisimi ivertissimmammat ataatsimiitarsimallunilu. Ataatsimiititaliat sinneruttut arfineq marluk, teknikkeqarnermut avatangiisinullu, isumaginninnermut pinaveersaartitsinermullu kultureqarnermut sunngiffimmullu, nunaqarfimmu najugaqarfinullu, piniarnermut aalisarnermut ikummatissanullu, inuussutissarsiornermut suliffissaqartitsiniarnermullu kiisalu aturfefqarfinnut atuartitaanermullu ataatsimiititaliat atuutilersinneqarnerminniit qaammatit arfineq marluk ingerlanerini ataatsimiissimangimmata. Ataatsimiititaliani taakkunanani sulittaasut ataatsimiititalianut sulittaasutut akissarsiaqarsimapput piffissami pineqartumi.

Malittarisassanut tunngavissat takuneqarsinnaapput inatsisartut kommunit aqunneqarnerat pillugu inatsisaanni nr. 14. 5, decembari 2008-meersuni § 65-mi kiisalu Namminersorerullutik Oqartussat Borgmesterit tullersortaasalu kiisalu kommunalbestyrelsinut nunaqarfinilu aqutsisunut ilaasortat akissarsiaat pillugit nalunaarutaanni nr. 29. 18 decembarimeersuni il.il. §.8-mi. (tamatum kingorna akissarsiat pillugit nalunaarut.

Utertitsilluni akiliinissaq imaluunniit akissarsiat ilaannik utertitsinissamut aalajangiisussaq tassaavoq kommunalbestyrelse.

Aqutsinermut inatsisinut siullernut illuatungiliuttuuvoq, massakut akissarsiani matussusiisarneq § 65-mi allasimasut. Kommunalbestyrelsimut ilaasortat s pisussaaffinnik eqquutitsinngippata, takukkit tulleriiaarneqarneri, kommunalbestyrelse akissarsiat pillugit nalunaarummi § 8. tunngavigalugu akissarsiat millisinnaallugit, imaluunniit akissarsivallaarnerit uterteqqusinnaallugit. Kommunalbestyrelsimut ilaasortat pisussaaffimminnik naammassinninngitsoornerat pillugu naliliineq pisinnaavoq, aqutsinermut inatsisini § 65-mi imm. 1. tunngavigalugu.

**§ 65. Kommunalbestyrelsimi ilaasortanut aalajangersimasumik akissarsiaqartitsisoqartassaaq Akissarsiat matussutissaapput**

- 1) kommunalbestyrelsip ataatsimiinnerini peqataanermut kommunalbestyrelsimilu ataatsimiititaliani ataatsimiinnernut taakkunungalu atasumik suleqatigiinni peqataanernut,
- 2) kommunalbestyrelsinut qinersereernerup kingorna kommunip sullineranut atasunut ataatsimiinnernut, allanik aalajangersakkanik immikkut tunngaveqartumik akissarsiaqartitsisoqanngippat,
- 3) pikkorissarnermut peqataanermut, kommunalbestyrelsimi imaluunniit aningaasaqarnermut ataatsimiititaliamit kommunalbestyrelsimiit pisinnaatinneqarneq naapertorlugu sulinermut pingaarteqartutut isigineqartuni, imm. 1 aamma imm. 2-mi suliat pineqartut tunngavigalugit,
- 4) isumasioqatigiinnernut peqataanermut,
- 5) kukkunerisuisut nalunaarutaata saqqummiunneqarnerani peqataanernut,
- 6) kommunalbestyrelsimi imaluunniit ataatsimiititalianit piumaffineqarnerit tunngavigalugit kommunimi sulianik ingerlatsinerit aamma
- 7) suliaqarnerit allat imm. 1-imiit 6-imut ataatsimiinnerit il.il.

Imm. 2. Kommunalbestyrelsip aalajangersinnaavaa kommunimi ataatsimiititaliani ataavartuni sulittaasunut ilassutitut akissarsiaqartitsinissaq.

Imm. 3. Kommunalbestyrelsimi ilaasortamut sinniisutut isertoq alajangersimasumik akissarsiaqartinneqassaaq piffissami kommunalbestyrelsimi suliffigisamini piffissaq pineqartoq minnerpaamik qaamatinik marlunnik siviussusiarsimappat. Assigisaanillu ilaasortaajunnaarallartup akissarsiai ilanngarneqassapput, piffissaq

*pineqartoq minnerpaamik qaammatinik marlunnik sivissussuseqarpat.*

*Imm. 4. Kommunalbestyrelsimi ilaasorta q minnerpaamik qaammatinik marlunnik sivissussusilimmik ataatsimiititaliami ataavartumi siulittaasuugallartoq ilassutitut akissarsiaqartinneqassaaq imm. 2 naapertorlugu. Assigisaanillu ataatsimiititaliami siulittaasuujunnarallartup ilassutitut akissarsiai ilanngaatigineqassapput, ataatsimiititaliami siulittaasoq pineqartoq qaammatit marluk sinnerlugit peqanngittussaappat.*

*Imm. 5. Kommunimi qinikkatut sulinermut atatillugu Naalakkersuisunit aalajangersakkat naapertorlugit angalanernut najugaqarnernullu ajunngitsorsiaqartitsisoqarsinnaavoq angerlarsimaffimmiit qimagusimasariaqartarnermut matussutaasunik.*

*Imm. 6. Naalakkersuisut aalajangersimasunik akissarsiassaasunik (kajumissaatisiat), ilassutitut aningaasarsiat, ullormusiat akissarsianut annaasanut taartisiassat taakkualu tunniunneqartarnerat missingersuusiorneqartarnerallu pillugit maleruagassiorsinnaapput.*

*Imm. 7. Kinaluunniit aningaasarsiassanik kajumissaatisianillu il.il. imm. 1-imiit 5-imut pineqartunik tigusinissaminut pisussaavoq.*

*Imm. 8. Naartunermi, erninermi meeravissartaarnermilu Inatsisartut inatsisaata naapertorlugu, kommunalbestyrelsini ilaasortat akissarsiaminik annaasaqaataanngitsumik sulinngiffeqarsinnaatitaapput,.*

Akissarsiaqarnermi nalunaarutini § 8:

**§ 8.** *Borgmesterit tulliisa, kommunalbestyrelsimut nunaqarfinnilu aqutsisunut ilaasortat, ataatsimiititaliat siulittaasuisa aamma nunaqarfinni aqutsisuni siulittaasut akissarsiaat qaammatip taamatut suliffiup naanerani tunniunneqartassapput.*

*Imm. 2. Kommunalbestyrelsimut ilaasortap suliassani isumaginngippagit aamma aqutsinermut inatsimmi § 65, imm. 8 naapertorlugu sulinngiffeqanngippat ilaasortap pineqartup akissarsiai peqataanngiffiata sivissussusianut naapertuuttumik ilanngaaffigineqassasut kommunalbestyrelsip aalajangersinnaavaa.*

*Akissarsiaritippallaarsimasut isumaqatigiissuteqarnikkut sivisunerpaamik qaammatinut pingasunut agguarlugit akilersorneqarnissaat isumaqatigiissutigineqarsinnaavoq.*

*Imm. 3. Naartunermut, meerartaarnermut meeravissartaarnermulluunniit atatillugu peqataannginneq pissutissaqarluni peqataannginneruvoq. Kommunalbestyrelsip allatigut aalajangertassavaa piffissaq suna pissutissaqarluni peqataasoqannginnersoq*

### **Inassuteqaat:**

**Kommunalbestyrelse qinnuigineqarpoq nalileeqqullugu siulittaasunut taakkununnga arfineq marlunnut akissarsiaritinneqarsimasut ilaannakortumik imaluunniit tamakkiisumik utertinneqassanersut.**

Tapiliussaqsat:

Soqanngilaq

**Aalajangiussaq:**

**Kommunalbestyrelse aalajangerpoq suliamut tunngatillugu nunap iluani pissutsinut aqutsinermullu imikkoortartaqarfimmut oqaaseqaammik pissarsiniarniarluni, suliami aalajangiilinginermi.**

<b>Suliaq nr.</b>	<b>KOM</b>	<b>Tapili.nr.</b>	<b>013</b>	<b>Journal nr.</b>	
<b>Qulequtaq</b>	<b>Aaqqissuussaanermut pilersaarusiap nutaap akuerineqarnera</b>				

**Suliamik saqqummiineq:**

Kommunalbestyrelsep november 2008 Qaasuitsup Kommuniani allaffissornikkut aaqqissuussaanermut siunnersuut nutaaq akuersissutigaa. Ataatsimut oqaatigalugu nassuiaatissaavoq, aaqqissuussaaneeq sullissinissamik tamakkiisumik isigaluni siunnerfeqartoq, innuttaasunut aammalu politikikkut suliaqartunut. Soorlu suliap saqqummiunneqarnerani nassuiaatigineqartoq, kommunalbestyrelsep naatsorsuutigisariaqarpaa, aaqqissuussaanermut pilersaarusiapq ataavartumik naleqqussarneqartassooq, periutsit nutaat misilittagalersorfiginerqarnerat ilutigalugu.

Ataatsimiinnermi Pisortaanerup aaqqissuussaanermi iluarsisassatut siunnersuutit saqqummiutissavai taamatuttaarlu tapiliussami nassuiaat ilanngunneqarpoq.

**Inassuteqaat:**

**Kommunalbestyrelse qinnuvigineqarpoq allaffissornikkut ilusilersuinissatut siunnersuut nutaaq akuereqqullugu.**

**Tapiliussaq:**

1. Aaqqissuussaanermut pilersaarut.

**Aalajangiussaq:**

**Kommunalbestyrelsep allaffissornikkut aaqqissuussaanissamut siunnerssut nutaaq akisussaaffinillu agguataarineq akueraa.**

**Magga Fencker pisortaanertut atorfinippoq akisussaaffigissallugit isumaginninnermut- suliffiaa-qartitsinnermut pinaveersaartitsinermullu attuumassuteqartut.**

<b>Suliaq nr.</b>	<b>KOM</b>	<b>Tapili.nr.</b>	<b>015</b>	<b>Journal nr.</b>	
<b>Qulequtaq</b>	<b>Sulinngiffeqarnissamik qinnuteqaat, Palle Jeremiassen.</b>				

**Suliap saqqummiunneqarnera:**

Kommunalbestyrelsemi ilaasortaq Palle Jeremiassen qinnuteqarpoq kommunalbestyrelsemi sulinngiffeqarallarniarluni piffissami 1.marts 2009 – 1.juni 2009. Qinnuteqaat peqquteqarpoq ilaasortaq suliffimmini piunnaqqineqarsimangami piffissami tassani piffisartornangaatsiar-tumik.

Qinersinnermi inatsit, 1996, ima imaqarpoq.

*§ 50. Ilaasortaq qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirnaasumik akuerineqassaaq.*

Qinnuteqaat akuerineqarpat Leo Rosing kommunalbestyrelsemi piffissami taaneqartumi isissaaq.

**Inassuteqaat:**

**Kommunalbestyrelse qinnuvigineqarpoq aalajangeeqqullugu qinnuteqaat akuerineqar-sinnaanersoq.**

**Aalajangiussaq:**

**Sulinngiffeqarnissamik qinnuteqaat akuersaarneqarpoq. Leo Rosing piffissami taaneqartumi isissooq.**

**Palle Jeremiassen suliaq ingerlanneraqranerani peqataanngilaq.**

Suliaq nr.	KOM	Tapili.nr.	Soqanngilaq	Journal nr.
Qulequtaq	Kommunalbestyrelsemi ilaasortat apeqquteqaataat.			

Borgmesterimiit kissaatigineqarsimavoq siunissami aalajangersimasumik oqaluuserisassani immikkoortoqlissasoq, kommunalbestyrelsemi ilaasortat partiilluunniit apeqquteqarfigninnaasaattut.

Ataavartumik ilaasortaniit apeqquteqaatinik tigusaqartoqartarpoq sumiiffinni aalajangersimasunut sulianulluunniit ingerlaartunut apeqqutilliisunik. Immikkoortoq taanna siunissami apeqquteqaatit akisarnissaannut atorneqartassooq, soorlu ilaasortat aamma nutaamik aperisinnaassasut, kingorna borgmesterimiit imaluunniit allattoqarfimmiit akineqartussamik.

Apeqquteqaatit naammaginartumik akineqassappata, pisariaqarpoq apeqquteqaat allatseqarfimmeeriissammat kommunalbestyrelsep ataatsimiinnissaa ullunik 14-ninik sioqqullugu. Erseqqissaatigineqassaaq immikkoortoq aalajangersaavittut atorneqassanngimmat, taamaallaalli killiffiit imaluunniit paasisutisat apeqquteqaatigisanut tunngasuni pineqartassallutik.

Uani ataatsimiinnissamut uku apeqquteqaatigineqarput:

Politikerit allaffilersorneqarnerisa killiffiat.

Sumiiffinni tamani allaffilersuisoqarpoq, taamaallaat Uummannaq Ilulissallu minillugit. Taakkuli piler-sitsilerput, Ilulissani B7-mi, akileraaruseriffiusimasutut qimanneqaqqammersumut.

Aasianni kulturip illorsuassaatur suliap killiffia.

**Atsiorfissaq:**